

RESIA-RESIA ANEH DI KOTA BESAR

TERSALIN DARI BOEKOENJA:

Njonja Barones de Orsy

oleh :

NUMA.

Soecara ratap jang ngeri di wakoe malem jang soenji,
darah jang mengalir kaloeear dari bawah pintoe
kamar, itoelah ada soeatoe pekkara jang se-
ring kadjadian di kota besar. Kadjadian
jang lebih aneh dari pada itoe
poen sering tertampak di kota
besar seperti London.

DJILID KA SATOE.

TJITAKAN PERTAMA.


Diterbitken dan didjocal oleh :

SNELPERSDRUKKERIJ „BOEKHANDEL PROBITAS.”

GANG TJEMARA, BATAVIA,

(Java).

1921.



ISINJA BOEKOE:

- I Pemboenoehan njonja Pebmarsh
- II Linjapnja Graaf Collini
- II Perkaranja Tremarn
- IV Resia di Ayrsham
- V Pemboenoehan njonja-pengoeroes roemah sakit
- VI Siapa jang meratjoeni Cigarette ?
- VII Siapa jang mentjoeri itoe inten item ?
- VIII Resia Lisson-Grove-Cressent,
- IX Drama di Dartmoer Terrace

Boekoe ini diperlindoengi oleh auteurswet ka-
pada si penerbit, maka boekoe jang tida diper-
tandai tangan seperti di bawah ini, palsoe adanja.



Batavia, December 1921.

PENERBIT.

Hoofdstuk I. Pemboenoehan njonja Pebmarsh.

„Nah, sekarang apa?“ menanja Oom Jacob sembari memandang padakoe dari ia poénja katja mata jang berpinggir mas.

„Wel, akoe selaloe masih menoenggoe satoe tjerita.“

„Zoo! hm!“ Oom Jacob sigra lipet soerat-kabarnja dan garoek lagi sekali lehernja, kamoedian ia berkata lagi:

„Ja, ja; itoe ada satoe perkara loear biasa dan menimboekken napsoe boeat taoe.“

„Kau pasti soeda denger tentang njonja Lucie Pebmarsh, satoe prampoean djanda toea jang tinggal bersama kaponakan njana nama Palmela dan satoe baboe toea, roemanja tiada djaoe dari station Boreham; prampoean toea itoe soeka sekali berdiam sendirian, dateng djarang sekali ka gredja dan tiada soeka berdjamoë thee atawa pergi berkoempoel-koempoel dengan laen-laen prempoean toea.“

„Barangkali lantaran itoe djoegalah si nona moeda, kaponakan njana itoe, merasa kasepian di tempat tinggalnya dan singkali dapet penjakit kantong kosong.“

„Samoea itoe tiada penting, sebagimana kau nanti liat. Itoe keadaän telah berdjalan sampe pada satoe hari dengen mendadak itoe roema ketjil di Boreham djadi terkenal di antara orang banjak.“

Itoe hari baboe toea Jemina pergi mengoendjoengi soedaranja jang sakit. Itoe sore djøega roepa-roepanja nona Palmela poen pergi dengen meninggalken bibinja sendirian di roemah serta poelang dengen kreta api paling pengabisan, jang sampe di Boreham djam satoe malem.

Kira-kira djam satoe liwat lima menit, pendoedoek dari itoe djalanan jang sempit, dibikin sedar dari tidoernja oleh ratapan-ratapan keras jang membikin boeloe badan djadi bangoen mengkirkik. Lantas kepala-kepala ada keliatan menongol dari djendela. Beberapa tetangga dengen tergoepoe-goepoe kaloebar dari masing-masing roemahnja dan tiada lama kamoedian saantero tempat itoe dapet taoe, jang nona Palmela sepoelangnja di roemah telah dapetken bibinja mati dalem kamarnja.

Beberapa toean-toean masoek di itoe roemah. Dalem kamar ada satoe medja toelis, dan di satoe krosi jang berdiri di depan medja tadi, dengen badan separo doedoek dan separo tidoer di depan medja, ada kaliatan maitnja njonja Pebmarsh.

Njata sekali jang njonja itoe terboenoer orang.

Sala satoe tetangga samentara itoe bri taoe ini perkara pada politie, maka tiada lama kamoedian lantas dateng doeä opas politie dan dengen sigra bikin laloe itoe tetangga-tetangga jang maoe taoe sadja laen orang poenja perkara dengen banjak sekali omong-mengomong. Kamoedian kadoea oppas tadi menanjaken berbagi-bagi keterangan dari nona Palmela.

Pertama kali nona moeda itoe tiada sanggoep mendjawab pertanjaän-pertanjaän jang sebanjak itoe, tapi dengen banjak sabar orang dapetken keterangan dari padanja. Keterangan itoe adalah begini :

Saja dapet oendangan aken pergi ka roemah komedi tadi malem. Maski Jemina pergi ka Luton, akoe merasa tiada mempoenjai alesan kenapa akoe tiada boleh pergi. Bibi tiada satoedjoe tapi akoe pergi djoega..... dan akoe poelang dengen trein pengabisan. Lantas dengen tiada mampir-mampir akoe poelang ka roemah dan masoek di roeangan dalem. Api masih menjala, dan-dan-dan..."

Lebih djaoe pikirannja itoe nona moeda ada ka-loet sekali sebab kagetcnja; ia tjoema taoe, jang ia telah liat keadaän jang sanget menakoetken, maka di saät itoe djoega ia sigra lari kaloeear dan bertreak minta pertoeloengan."

II

„Kau mengarti," kata Oom Jacob lebih djaoe, itoe kedjadian tentoe sadja telah melahirken kagemperan besar. Soerat-soerat kabar rame membitjaraken itoe, sedeng justitie bikin papreksahan dan detectives mentjaii keterangan enz., enz.

„Doea hari kemöedian ada dibikin papreksahan di pengadilan. Akoe djoega ada pergi ka sana, tapi baroe sadja akoe sampe di Boreham, lantas dateng kabar bahoea pemboenoenja njonja Pebmarsh soeda dapet ditangkep. Kabaran itoe lantas mendjalar amat tjepet, maka tiada lama namanja si pemboenoe poen samoea orang dapet taoe."

„Nona Palmela Pebmarsh ditoedoe soeda memboenoe bibinja."

„Ha?” kata akoe pada diri sendiri, „kaloe bagitoe pengrasahan akoe tiada sala. Ini tentoe bakal djadi perkara jang rame.”

„Kira-kira djam doe pengadilan moelai bikin parpreksaan. Bagi akoe, ada soeker sekali aken mendapet satoe tempat doedoek di depan, dimana akoe bisa liat semoea orang-orang jang memegang rol penting dalem ini drama-desa.

„Di roeangan pengadilan Palmela Pebmarsh berdiri di antara doe oppas politie. Ia ada satoe nona jang moeda serta tjantik, dan ia tertoeoe telah memboenoe ia poenja bibi toea jang soeda beroesia 70 taon, sedeng bibinja itoe ada membri pengidoepan dan tempat tinggal padanja.

„Orang banjak itoe koetika poen soeda djato bentji padanja. Geroetoean menjambos kedatengannja; tjelaän-tjelaän tiada enak dikataken deket pada Palmela; orang loepaken ia poenja paras jang elok, matanja jang bagoes, dan jang bersorot sedi memandang pada itoe orang banjak.

„Keterangan njaja dokter ada pendek dan saderhana. Njonja Pebmarsh ditoesoek dari belakang dengen barang tadjem dan toesoekan itoe telah menemboes ka peparoenja jang sebla kiri.

Roepa-roepanja itoe waktoe ia sedeng doedoek haderpen medja toelisnja, tatkala si pemboenoe dengen mendadak dateng menoessoek. Toesoekan itoe membikin ia poetoes dijwa bebrapa saat kemoedian.

„Apakah bisa djadi,” menanja ambtenaar dari Openbare Ministerie, „bahwa njonja Pebmarsh sasoe-danja ditoesoek mati bisa berkoetik?”

„Sabentaran bisa djadi,” djawab thabib jang ditanja,
„tapi ia tiada bisa bangoen dari korsinja”.

„Tapi toch bisa berdaja boeat djambret bel jang
ada di medja, atawa pena dan tinta boeat menoelis
beberapa pata?”

„Akoe rasa boleh djadi kaloe sadja itoe bel atawa
pena dan tinta ada deket sekali padanja. Tapi tiada
lebih dari satoe atawa doeae seconde.”

Oppas politie oelangi keterangan jang dibriken
oleh nona Palmela Pebmarsh, dan jang oleh nona itoe
belon pernah dipengkiran.

Bahwa sore ia pergi ka London, itoelah gampang
diboektiken; chef station dan pendjaga pintoe telah
liat padanja. Tapi halangan boeat memboektiken
keteranganja, adalah jang trein-trein malem selaloe ada
penoe; lagi poen malem itoe hawa oedara ada gelap
sekali, dan tiada saorang bisa memastiken, jang ia
pergi dan poelang dengen kreka api jang ia kataken
itoe.

Dan djoega ada laen hal lagi. Nona Pebmarsh
dengan pasti poengkir boeat seboetken namanja itoe
lelaki bersama siapa ia pergi nonton komedi, lelaki mana
brangkali bisa menerangkan djam brapa ia brangkat
ka London.

„Teroes-meneroes akoe toedjoeken matakoe pada
Palmela. Ia ada terharoe sekali, itoe tiada bisa disangkal;
bergemeternja ia poenja tangan, matanja jang terboeka
besar dan bersorot amat berkoeatir, ada tjoekoep me-
njataken tersimpennja satoe resia jang ia tiada brani
boeka, dan berkwatir sanget sedikit-sedikit resia itoe
nanti mendjadi terang.”

Apa jang orang merasa aneh, adalah hal tiada adanya alesan aken nona itoe memboenoe bibinja. Bibi toea itoe njata tiada mewarisken apa-apa padanja, oleh kerna demikian, kenapalah Palmela misti memboenoe padanja, sedeng bibinja itoe ada membri tempat mondok aken dia.

Tapi politie, terbantoe dengen detectives jang pande, tiada nanti bikin penangkepan itoe zonder alesan tegoe. Politie ada mempoenjai saksi tjoekoep boeat memboektiken itoe perkara. Antara siapa adalah baboe toea Jemina.

Baboe itoe ada memake rok item, topi terhias renda poeti, moekanja poetjet dan bibirnya jang tipis ada tertotoetop, satoe tanda ia ada saorang jang tiada bisa bertjampoeran.

Terharoe besar ada terasa oleh Palmela satelah memandang pada baboe itoe, dan Palmela ada merasa dirinja seperti boeroeng jang kena terdjinging dan tali djaing itoe semingkin lama semingkin keras mengiketna.

Jemina tjeritaken tentang soerat jang ia ada trima dari soedara prempoeannja. Soerat itoe minta ia dateng. Lebih djaoe ia terangken, jang ia ada minta pada njonjanja boeat verlof satoe hari lamanja, permintaan mana diloeloesken.

„Apa kau poenja njonja tiada ada kata, bahwa itoe hari kaponakannja poen aken pergi?” menanja ambtenaar dari Openbaar Ministerie.

„Tiada,” djawabnya dengen keras, „sebab kaloe akoe taoe itoe, akoe bisa ambil laen hari boeat pergi.” Ia gigit bibirnya dengen kentjeng dan pandang Palmela dengen roepa bentji.

„Djadi kau tiada taoe pada sabelonnja nona Palmela pargi ka komedi di roemah ada terbit perselesihan antara ia dan bibinja?” menanja ambtenaar itoe beberapa saat kamoedian.

— „Tiada, itoe tiada, tapi akoe taoe marika sringskali bertjektjokan satoe sama laen. Itoe akoe brani pastiken.”

— „Tentang apa?”

„Kebanjakan tentang oewang. Nona Palmela soeka sekali pada pakean bagoes, tapi bibinja tiada mempoenjai oewang boeat beliken itoe. Njonja Pebmarsh dapt pengidoepan dari kasiannja satoe njonja bangsawan, tapi itoe tiada banjak, tjoema doeablas roepia saminggoe. Njonja Pebmarsh bisa dapt lebih banjak kaloe sadja ia maoe.”

„Ei,” kata ambtenaar itoe. „Bagimana bisa djadi.”

„Itoe njonja bangsawan tiada selamanja menoentoet pengidoepan djoedjoer dan kalakoean baek. Doeloe ia ada berhoeboeng dengan roemah komedi, berbareng dengan njonja Palmela. Itoe koetika marika ada doea bintang jang gilang-goemilang, dan”

„Trima kasi,” demikianlah ambtenaar itoe memotong bitjaraännya orang. „Kita melinken hendak menanja tentang pensioen jang njonja Pebmarsh dapt dari itoe njonja bangsawan.”

„Ituelah akoe lagi bitjaraken,” kata Jemina dengan ketoes. „Njonja Pebmarsh ada mempoenjai beberapa soerat jang sabagimana sringskali ia ada tjeitaken padakoe, soerat itoe ada sanget dikwatirken oleh itoe njonja bangsawan dan harep tida dapt diliat oleh soeaminja atawa sobat-sobatnya. Miss Palmela maoe djoear soerat itoe boeat sadjoembla besar pada itoe njonja bangsawan,

tapi njonja Pebmarsh tida satoedjoe, dan sekarang akoe poenja njonja diboenoe adalah lantaran itoe soerat-soerat."

Tiada saorang telah potong bitjaranja Jemina selagi ia ini menjeritakan itoe hal aneh, hingga dengan begitos ia djadī menerangkan resia pemboenoeannja njonja Pebmarsh.

Tentang kadjoedjoerannya itoe tjerita, tiada saorang di roeangan itoe ada merasa sangsi. Sekali meliat pada persakitan, lantas orang bisa dapet boekti tjoekoep. Palmela di sitoe ada berdiri dengan gemeter, moekanja poetjet seperti kertas, dan tentoelah ia soeda roeboe djika tiada ditahan oleh oppas jang berdiri di seblanja.

Dan Jemina tiada lantas ber laloe dari sitoe dengan roepa poetjet. Dalem itoe roeangan pengadilan ada soenji sekali, djaroem djato pri-bahasa kata bisa kdengeran.

Sekarang detective Robinson madjoe ka depan. Semoea orang jang hadlir liat, bahwa ia anggep pasti jang keteranganja ada penting sekali.

„Akoe dateng diitoe roemah pada paginja sasoeda te-djadi pemboenoean,” demikianlah katanja, „dan selaen-nya pepreksahan dokter jang tjeplet dilakoekennja, tiada saorang telah pegang itoe mait, sebab oppas-oppas taoe hal demikian kita-orang tiada boleh berboeat. Koetika akoe liat itoe mait, akoe dapetken tangan kanannja ada genggem satoe potong kertas. Oppas soeda liat itoe lebih doeloe den oendjoekin padakoe. Inilah ada kertas jang akoe dapetken, toean.”

Dan dalem keadaan sangat soenji, melinken kade-ngeran sadja berkreskannja itoe kertas dengan lapat-

lapat, inspecteur seraken itoe kertas pada ambtenaar jang roepanja tinggal adem dan kamoediania ini berkata pada Jury, katanja :

Toean-toean ledén dari Jury, inilah ada isinjá itoe kertas jang inspecteur dapetken di tangannja si pram-poean toewa jang terboenoe."

Ia menoenggoe sadjoeroes, sebelonnja membatjaken itoe, sedeng orang jang hadlir tahan napasnja boeat mendengeri.

"Akoe mati. Pemboenoekoe ada nona Pam...."

"Itoelah semoea, toean-toean," kata ambtenaar itoe sembari melipet kombali kertas tadi.

„Malaekat el maut habisken djiwanja si tjlaka itoe selagi menoelis nama pemboenoenja."

„Sekarang di seloeroc roeangan ada kadengeran soewara djeritan kentjeng jang bikin mengkirik boeloc badan, dan nona Palmela roeboe di djoebin dengen tiada berkata-kata lagi.

III

„Ja," kata Oom Jacob „Akoe rasa pasti, bahwa di itoe hari tiada saorang jang laloe dari roeangan pengadi'an dengen merasa sangsi lagi pada poetaesannja jury.

Tapi roepa-roepanja ini perkara ada mempoenjai achir jang amat mengheranken.

Besok paginja orang dapet taoe bahwa *njonja bangsawan itoe*, jang Jemina ada seboetken dalem keterangan-nya, boekan laen adanja, dari Lady de Chavasse.

Koetika itoe nama baroe sadja diseboetken, sasoeatoe orang lantas djawab : Tentoe, habis siapa lagi.

Lady de Chavasse, geboren Fay, adasaorang pram-poean

jang paling terindah dalem golongan kaoem bangsawan ; ia ada djadi kapala dari bebrapa perkoempoelan soetji, ada djadi beschermvrouw dari banjak roema sakit, sedeng tempat tinggalnya ada satoe astana jang paling indah di kota London. Betoel doeloe hari ia ada djadi anak komedi, tapi sekarang ia soeda djadi orang bangsawan jang berderadjat tinggi. Koetika Sir Percival de Chavasse hendak menikah padanja, familienja tiada setoedjoe dengen prempoean tjantik itoe, tapi Sir Percival soeda memaksa pada temen-temennja aken trima istrinja itoe dalem marika poenja pergaoelan. Beroentoenglah bagi si prampoean itoe, kerna tida saorang ada berbisik tentang pengidoepannja jang laloe.

Sekarang sekoenjoeng-koenjoeng namanja diseboet oleh semoea bibir. Tapi besok harinja kita menampak lagi satoe kaheranan. Sebab dinaschatken oleh advocaat-nya jang pande, Palmela ambil poetoesan mengakoe di Marsden teroes terang.

Nona itoe kata bahoea di itoe sore ia telah pergi ka kota boeat nonton komedi. Di station ia beli satoe soerat kabar dan di sitoe ia liat satoe kabaran jang mewartaken bahoea Sir Percival dengen istrinja soeda poelang ka roemahnja di Mansion 51.

„Lady de Chavasse,” kata Palmela lebi djaoe, „ada namanja itoe njonja bangsawan jang membajar pensioen pada bibikoe. Akoe kenal padanja sedari tempo ia masih maen komedi. Dengen alesan tegoe akoe djadi ambil poetoesan boeat pergi padanja dari pada nonton komedi. Ia adjak akoe bitjara bagitoe lama, hingga lakoe telaat boeat trein djam sablas liwat.”

„Bitjaranja Palmela ada saderhana sekali dan lantaran

advocaatnja telah panggil Lady de Chavasse sebagai saksi, maka Palmela anggep diri sendiri djadi terangkat dari kasoekeran.

Tapi Lady de Chavasse beresken ini perkara dengen tjara jang aneh. Ia pandang dengen angkoe pada gadis jang bertjlaka itoe, dan kata, bahwa soeda selang taonan ia tiada katemoe pada persakitan. Pada beberapa hari berselang Palmela ada dateng padanja boeat menipoe. Palmela telah tawarken padanja boeat toeker beberapa soerat toea dengen beberapa riboe oewang pondsterling, dan menoeroet katanja, soerat-soerat jang ia hendak toekarken itoe ada membri tjatjat pada namanja Lady de Chavasse. Tapi ia tolak itoe soerat-soerat dan minta itoe gadis djangan ganggoe padanja lebih lama. Sahabisnja menerangken begitoe, Lady de Chavase sigra berlaloe.

Melinken haroemnja njonja bangsawan itoe sadja jang masi katinggalan lengket di dalem roewangan, sedeng orangnja, zonder pake oepatjara, soeda berlaloe dari sitoe.

Sekarang tinggallah satoe bagian dari lelakonnja Palmela, berikoet lagi satoe keterangan jang bagitoe menggemparkan.

Pertoeloengan datengnja dari sihak jang sama sekali orang tiada doega, jaitoe dari Jemina, jang tadinja anggep dengen pasti bahwa Palmela telah boenoe bibinja, tapi djoestroe dialah sekarang ada itoe orang jang kamoadian menerangken bahoea Palmela tiada berdosa.

Hakim kasi oendjoek padanja satoe soerat jang katanja ada tertoe lis oleh njonjanja. Jemina jang

memang tiada bagitoe bisa membatja, lantas berkata dengen mengelah napas: „sabenernja toelisan akoe poenja njonja ada aneh sekali, sebab ia tiada bisa menoelis selaennja dengen tangan kiri.”

„*Tangan kiri!*” kata hakim dengen napas memboeroe, sedeng penonton dan jury masing-masing memandang padanja dengen roepa jang tiada pertjaja.

„Betoel, sebab tangan kanannja loempoe. Dengan tangan itoe ia tiada bisa berboeat apa-apa”.

Samoea orang jang ada di sitoe djadi merasa bingoeng.

Ditoesoek dari belakang, pepareenja tertemboes oleh sendjata, bagimanakah ia masi bisa menoelis dengen tangan kanan. sedeng tangan kanan itoe soeda loempoe, dan sama sekali tiada terpake saoemoer hidoepnja?

„Itoe tiada bisa djadi.”

Si pemboenoe jang tiada taoe bahwa jang diboenoe biasa pake tangan kiri boeat menoelis, telah taro itoe pena dan kertas boeat membikin kliroe pada justitie, dan mengorbanken satoe gadis moeda jang eiloc atas diri siapa soeda ditimpahken itoe toedoechan jang membri rasa maloe dan bertjatjat.

Poetoesan ditoenda sampe satoe minggoe, dan dalem waktoe itoe advocaatnja Palmela telah beroentoeng dapeiken lebih banjak boekti-boekti boeat terangken jang nona Palmela tiada bersala sama sekali.

Delapan hari kamoedian nona Palmela berlaloe dari roeangan pengadilan dengen tiada meninggalken tjatjat atas namanja.

„Tapi pemboenoenja,” kata Oom Jacob „tiada ketaoean, sabagimana sringkali terdjadi.”

„Tapi toean,” akoe menanja, „apa toeantienda mempoenjai anggepan sendiri tentang hal itoe?”

„Tentoe,” kata Oom Jacob. „Tjoema doea orang sadja jang ada mempoenjai kapentingan besar pada itoe soerat-soerat resia jang ada tersimpel oleh njonja Pebmarsh. Doea orang itoe adalah Lady de Chavasse dan soeaminja.”

„Soeaminja? Tapi boekankah ia sama sekali tiada taoe tentang soerat-soerat itoe.”

„Apakah ia tiada bisa dengerken dari pintoe, selagi istrinja bitjara dengen nona Palmela Pebmarsh? Apa tiada bisa djadi jang ia dengen koepingnja dilobang koentji mendengerken omongan itoe dari sabla loear? Kamoedian diam diam ia ambil poetoesan sendiri aken dapetken itoe socrat-soerat jang menodaken namanja. Pada itoe koetika ia masi mempoenjai tjoekoep tempo aken naek kreta api djam sepoeloe.”

„Pastilah boekan ada djadi maksoednja aken ia lakoeken itoe pemboenoehan, tapi siapa bisa njataken apa sebabnja ia djadi terpaksa berboeat begitoe?”

Hoofdstuk II.

Linjapnja Graaf Collini.

I

Pada satoe pagi Oom Jacob amat loear biasa tjere-wetnja, apa djoega jang akoe kataken, ia selaloe banta, hingga achirnja kita orang berdoea djadi tiada enak hati.

Belakangan Oom Jacob doedoek lagi di krosinja, di mana biasanja ia doedoek bertjerita.

„Tiada bisa djadi!” kata ia „boeat bisa mengilang sama sekali di satoe negri sopan, itoelah tida bisa djadi. Di dalem kahidoepan manoesia tentoelah ada sobat atawa moesoe jang mempoenjai kapentingan aken katemoeken kita.

„Itoe toch aneh” djawab akoe.

„Pertajalah perkataänkoe”. Djawabnja poela Oom Jacob.

„Tapi toch haroesnja Oom djangan pake perkataän itoe,” kata akoe dengen sabar. „Tiada bisa djadi orang tiada bisa mengilang dengen tiada meninggal-ken bekas.”

„Boektiikenlah.”

„Dengen senang hati.”

„Ja akoe taoe, apa jang kau maksoedken, barang-kali kau inget pada Graaf Collini.”

„Djoestroe itoelah,” djawab akoe, „dan kau toch

tiada maoe sangkal jang Graaf Collini telah ilang sama djoega kalelep di laoet itoe poen didoega oleh kabanjakan orang ? ”

„Ja, kabanjakan orang ada edan, akoe maoe kata,“ djawabnja dengen loetjoe. „Ja, akoe taoe apa jang kaoe hendak kata tentang kadjadian ini, sebab sa-soenggoehnjalah linjapnja Graaf Collini ada aneh, dan lebih aneh lagi, sebab tiada ada papeksahan justitie dan persidangan pengadilan, lagi poen linjapnja Graaf itoe tida terbitken kasedihan pada soeatoe orang poen. Graaf itoe telah ilang, laen tida.“

„Akoe tiada taoe, apakah kau inget itoe drama sampe pada bagian-bagiannja jang ketjil ? “

Thomas Checkfield selagi meninggal doenia telah warisken pada anak pramoeannja sadjoembla oewang 80.000 pond banjaknya.

Tatkala ajahnja mati, Alice baroe beroesia delapan blas taon dan itoe waktoe ia sedeng sekola di Zwitserland, dimana ampir sa'antero pengidoepannja ia ada toento et.

Checkfield marhoem sedari dapet itoe anak pramoean, istrinja meninggal doenia, maka lekas ia per tjajaken anaknya itoe di tangannja laen orang. Maski djoega ia tiada begitoe perdoeliken padanja, dan djarang dateng menengokin, tapi toch ia ada warisken sa'antero hartanja. Dan satoe sobatnja jang amat dipertjaja, jaitoe Reginald Turnour, ia djadiken wali anaknya, sampe anak itoe dewasa.

Banjak orang ada kata bahoewa dalem testament jang menetepken hagnja si wali, ada ditambaken perkata'an „*sampe pada nikahnya*.“ Alice memang soedah ditentoeken jang ia moesti menika sama Hubert Turnour, soedara boengsoe dari Reginald.

Hubert ada anak poengoetnja Checkfield dan sedari ketjil biasa bermaen-maen bersama Alice. Belakangan ia selaloe toeroet kaloe toean Checkfield koendjoengi anaknja di sekola-menginep, oleh kerna demikianlah djaditimboel itoe perhoeboengan tjinta antara Hubert dan Alice, hal mana ada menggirangken pada Checkfield, dan dengen diam-diam ada anggep bahoea nikahan antara marika berdoea ada satoe hal jang pasti. Hubert Turnour ada satoe anak moeda jang tjakep, dan ada djadi commisionair effecten dengen berkantor di Cannon-street di London.

„Tatkala Alice beroesia sembilan-blas taon, walinja kasi nasehat boeat kaloear dari sekola dan tinggal di London. Tapi sekarang ada timboel satoe pertanja'an, dimana ia aken tinggal sampe ia djadi dewasa atawa menikah? Beroentoeng bagi walinja itoe, kerna oeroesan itoe te'ah diberesken dengen pantes oleh Alice sendiri.

Njonja Brackenburg, iboenja ia poenja satoe temen sekola jang paling kekal, telah tawarken pada Alice boeat tinggal di roemahnja. Dan sebab Hubert poen satoedjoe dengen atoeran itoe, maka perkara lantas djadi beres dan Alice Checkfield lantas dateng ka London dari Zwitserland. Sesampenja di London ia laloe tinggal di roemahnja njonja Brackenburg boeat samentara waktoe.

II.

„Sakian lamanja, pengidoepannja nona Alice ada berdjalan dengen baek di roemahnja njonja Brackenburg di Kensington," kata lagi Oom Jacob lebih djaoe. „Itoe djedjaka moeda, Hubert Turnour, jang tjinta

betoel pada nona Alice, sering-sering dateng mengoen-djoengi nona itoe di roemahnja njonja terseboet. Kadoea anak moeda itoe ada bergaoel dengen manis, dan iaorang poen soeda dianggep bertoendangan.

Kaloe maoe dibilang sabetoelnja, nona Alice itoe boekan ada satoe gadis jang eilok, malah tida saorang lelaki bilang salah kaloe orang kataken ia ada satoe gadis djelek. Pipinja temben, djidatnja djantoek, moeloetnja monjong, sedeng moekanja jang lebar, selaloe ada poetjat. Salaennja bagitoe, ia poen soeda kaliatan toewa, bebrapa kripoet ada kaliatan di kadoea pinggir moeloetnja. Tapi Hubert roepanja senang dengen roepanja Alice jang demikian, dan Alice poen merasa senang dan ingin tinggal kekal dalem pertoendangan-nya pada itoe djedjaka.

Tiada lama kamoedian, satoe perkara telah merobah kasenangannja doea anak moeda itoe. Koetika ampir samoea orang dapet katahoei bahoea nona Alice itoe ada mempoenjai harta warisan jang besardjoega, lantaslah ada dateng banjak kisikan di koepingnja jang menjataken bahoea tida pantes sekali satoe gadis seperti ia moesti menikah pada satoe commisionair effecten.

Njonja Brackenburg poen memang satoedjoe dengen itoe anggepan dan pikir bahoea paling latjoer Alice haroes mempoenjai soeami jang bertitel Graaf atawa Baron.

Satoe gadis jang beroesia belon doeapoeloe taon, oemoemnja soeka sekali dengerken bitjaranja orang-orang jang soeka memoedji atawa mengoempak-ngoempak

padanja, atawa bitjaranja orang-orang jang biasa bergaoel dekat padanja. Bagitoelah soeda terdjadi dengen Alice, jang sasoedanja meliwati annm boelan sedari ia tinggal di London, lantas ia kasih njata terang-terang pada Hubert bahoea ia hendak poatoesken tali per-toendangannya.

Hubert jang sedari ketjil biasa bergaoel dan **ka-moedian tjintaken nona itoe**, merasa sedih sekali jang perhoeboengannja dibikin poetoes.

Beberapa minggoe kamoeidian di moesin saldjoe, dalem satoe pesta dansa jang dibikin oleh satoe kaoem bang-sawan bangsa Italie di London, nona Alice Checkfield telah bertemoe dengen Graaf Collini. Njonja Brackenburg memang ada soeka sekali bergaoel pada Graaf itoe, kerna ia ada amat berboedi dan soeka sekali ambil-ambil hati. Nona Alice jang sama sekali belon taoe dalemnja pergaoelan, dengen gampang sekali soeda kena kapelet oleh itoe Graaf dan sabentaran sadja ia soeda tergila-gila pada Graaf itoe.

Njonja Brackenburg sabrappa bisa hendak soempoetken dari Hubert tentang nona Alice poenja hoeboengan perijintaan pada itoe Graaf, tapi itoe resia tida lama poen soeda katahoean.

Pada satoe hari dengen sengadja Hubert dateng koendjoengi roemahnja njonja Brackenburg, di waktoe mana djoestroe Graaf Collini ada disitoe. Menoeroet katerangannja njonja Brackenburg, itoe waktoe telah terbit pertjidraan jang heibat antara Hubert dan nona Alice. Sabagitoe lekas itoe Graaf berlaloe dari roemah terseboet, Hubert jaloe seselken pada Alice tentang

nona itoe poenja tingka jang genit dan berobahnja ia poenja adat. Hubert bersoempah jang ia nanti bales sakit hatinja pada itoe lelaki jang telah reboet dan desak ia dari' hatinja nona Alice. ~

Doea orang itoe soeda djadi sengit, beroentoeng njonja Brackenburg soeda dateng sama tengah. Ia mengakoe bahoea Graaf Collini betoel ada dateng meminang nona Alice, aken tetapi katanja, nona Alice ada merdika aken menikah pada siapa jang ia soeka. Lebih djaoe njonja Brackenburg soeda oesir Hubert, jang lantas berlaloe dari roemahnja.

„Akoe moesti tjeritaken itoe samoea di hadepanmoe, njonja Barones de Orsy," katanja poela Oom Jacob, „soepaja kaoe bisa mengarti apa jang kamoedian terdjadi dengen dirinja Graaf Collini. Menoeroet katanja njonja Brackenburg, Graaf itoe masih moeda sekali; moekanja ada sedikit itam, matanja poen itam, demikian poen ramboet dan koemisnja. Sebagimana ada kabanjakan pada orang-orang bangsawan, bagitoe poen Graaf Collini selaloe bertindak dengen eilok. Kakinja ada sedikit pintjang lantaran dapet tjlaka di waktoe masih anak-anak. Lantaran pintjangnya itoe, maka ia selaloe dikenali oleh segala orang.

Dalem doekanja Hubert, berkali-kali ia telah menoelis pada soedaranja, jaitoe Reginald Turnour, soepaja soedaranja itoe maoe boedjoek hatinja Alice. Reginald Turnour poen soeda berdaja. Dengan soenggoe-soenggoe hati ia toelis soerat beroelang-oelang pada Alice, mala djoega goenaken segala daja boeat timboelken perdamian antara Alice dan Hubert, tapi dajanja itoe

sama sekali soeda sia-sia. Alice soeda djato tjinta betoel-betoel pada Graaf Collini, poedji-poedjiannja Graaf itoe selaloe masih kadengeran di koepingnja. Lagi poen Alice ada memandang besar pada gelaran-nya dan sebaginya.

Bagitoelah, koetika soeda sampe waktoenja jang dirasa baek oleh Alice, ia laloe menoelis pada walinja, jaitoe toean Reginald Turnour, soepaja ia dinikahken pada Graaf Collini. Toean Reginald Turnour jang soeda tida mempoenjai daja lagi aken menggeraken hatinja Alice boeat menikah pada Hubert, achirnja terpaksa loeloesken permintaännja Alice dengen hati doeka, dan pengrasa'an amat tida satoedjoe.

Nikahan itoe telah kadjadian pada tanggal 22 October, sedari waktoe mana nona Alice boleh seboetken dirinja Gravin de Collini.

Doea kamanten baroe itoe ada niat berdiam boeat samentara waktoe di Dover, kamoedian hendak berlajar teroes ka Italie.

Djam lima marika laloe berangkat ka Dover dengen teranter oleh njonja Brackenburg.

„Sampe sebagitoe djaoe,“ kata itoe Oom jang bertjerita, „samoea perkara telah berdjalan dengen loemrah sadja. Tapi kamoedian dalem perdjalanannja kadoea kamanten itoe telah terjadi satoe drama jang mengheranken bagi orang samoea, dan soenggoeh boleh dibilang ada satoe drama jang djarang terjadi.

III.

Sahabisnja menoetoerken tjerita di atas, Oom Jacob

brenti boeat bebrapa sa'at. Kamoedian ia landjoetken poela tjeritanja seperti berikoet:

Nikahan itoe ada amat menjakiti hatinja Hubert Turnour, bekas toendangannja nona Alice, maka sebagi satoe djedjaka jang brangasan dan bernapsoe besar, tiadalah heran kaloe sering-sering Hubert mengantjem pada Graaf Collini. Pada soeatoe koetika Hubert soeda tida tahan sakit hatinja, hingga ia serang Graaf Collini dalem gang di roemahnja njonja Brackenburg.

Graaf Collini tinggal sabar, ia melinken antjem pada Hubert aken diadoeken pada justitie kaloe ia berlakoe bagitoe lagi. Antjeman itoe roepanja membikin si anak moeda djadi sabar lagi. Maka sedari itoe kadjadian, ia tiada moentjoel-moentjoel lagi.

Waktoe Alice hendak nikah, ia poen ada kirim barang bingkesan pada bakal njonja Gravin de Collini.

Sekarang ditjeritaken kadoea kamanten itoe soeda berada di Dover, tatkala mana Alice telah trima satoe soerat dari Hubert Turnour. Dalem soeratnya itoe Hubert njataken kasalahan dirinja jang soeda terbitken kadoeka'an dalem hatinja Alice, dan njataken ia poenja kainginan aken boleh bitjara satoe kali lagi pada sabelonnja Alice brangkat ka Italie. Lebih djaoe ia ada kata bahoea itoe hari djoega ia soeda brangkat ka Dover aken mengoendjoengi Alice dan Graaf Collini.

Kira-kira djam delapan malem tatkala orang-orang masih berkoempoel dalem roewangan kamar, djongos mengabarken tentang sampenja toean Hubert. Orang trima kадатengannya Hubert dengan senang hati, ter-

oetama Graaf Collini ada berlakoe hormat sekali pada Hubert. Ia soeda minta soepaja Hubert soeka bermon-dok sama-sama.

Marika laloe koempoel beromong omong sampe kira-kira djam sapoeloe malem, kamoedian Hubert laloe permisi aken poelang ka hotel tempat ia menginep. Graaf Collini tawarken dirinja boeat anter Hubert sampe di hotel. Doeä toean itoe brangkat sama-sama, dan..... sedari itoe sa'at, nona Alice jang soeda djadi Gravin de Collini, tida bertemoe lagi pada soeaminja. Ia linjap tida katahoean kamana perginja, sama djoega ia ditelen oleh laoetan jang besar.

Tiada satoe orang jang tiada djiatoken toedoehan pada Hubert sebagai pemboenoehnja Graaf de Collini. Bagitoelah orang banjak jang tjoepet pemandanganja djadi panasaran kenapa Hubert tiada dihoekoem gantoeng sedeng dosanja soeda terang telah memboenoeh Graaf de Collini.

„Dan kenapakah Hubert tida dihoekoem ?” menanja akoe.

„Keterangan akoe ada saderhana sekali,” djawabnja Oom Jacob. „Jalah sebabnja di kitaorang poenja negri ini soeda ditetapken oleh wet bahoea tida saorang boleh dihoekoem gantoeng kaloe tida ada boekti jang mengoendjoek bahoea persakitan itoe betoel telah lakoeken pemboenoehan.”

Njonja Gravin de Collini dan njonja Brackenburg ada berkwatir sanget koetika sampe djaoe malem soeaminja itoe belon djoega balik poelang. Marika menoenggoeken sampe djam 12, djam satoe.....

djam doe..... Sampe achirnja djam tiga, Alice tiada bisa menoenggoe lagi. Ia teroes adjak njonja Brackenburg dateng pada kantoor politie boeat kasih taoe itoe perkara. Inspecteur politie berdjandji nanti dengen lantas oesoet itoe perkara dan preksa di sa-koeliling tempat.

Dengen hati masgoel kadoea njonja itoe balik ka hotelnya. Njonja Brackenburg djadi inget pada na-sehatnja wali si Alice, djoega dapat taoe dari Alice sendiri. bahoea soepaja oewang tida djadi ilang, itoe warisan jang berdjoembla 80.000 pond, ada tersimpem dalem kantong jasnja Graaf Collini. Njonja Brackenburg boekan berkwatir aken linjapnja Graaf itoe, tapi kaloe-kaloe Collini dengen seagadja telah melari-ken diri bersama itoe antero hartanja si Alice.

Sampe pada kaesokan harinya, tida ada kabar apa-apa. Tiada saorang jang dapet katjilaka'an dan roe-panja mirip dengen Graaf Collini.

Djoega tiada ada saorang jang mirip dengen Graaf Collini berangkat dengen kapal dari Dover atawa Calais. Lagi poen Hubert Turnour jang itoe malem berdjalan sama-sama dengen Graaf Collini, boekan menginep di hotel, tapi teroes berangkat ka London dengen kreta expres djam 1.50 malem.

Sekarang baroelah ada dibikin penjelidikan pada orang jang linjap itoe. Pertama kali Hubert di tanja oleh detectief pande dari Schotland Yard.

Apa jang Hubert terangken ada seperti berikoet ; „Satelah kaloeear dari hotel tempat mondoknja Alice,“ kata Hubert, „akoe dan Graaf Collini djalan-djalan

sabentaran di Kade. Poekoel sapoeloe liwat akoe baroe balik ka hotel, dimana akoe beromong-omong lagi sampe djam sabelas liwat. Kamoedian Graaf Collini berangkat ka hotelnya sendiri.“

„Apa kaoe anter ia kaloeur?“ menanja itoe detectief.

„Tida,“ jawabnya Hubert. „Akoe moesti menoelis bebrapa soerat doeloe sabelongja akoe berangkat poelang dengen kreta djam 1.50 malem.“

„Aneh sekali“ kata poela itoe detectief, „tjoema boeat bebrapa djam sadja toean bagitoe perloeken sewa hotel jang pembajarannja bagitoe mahal.“

„Hal itoe tiada aneh,“ jawabnya Hubert. „Akoe soeda sewa kamar di Hotel adalah lantaran pertama akoe niat boeat menginep bebrapa malem. Tapi oleh kerna akoe soeda dapet bertemoe dengen Alice, soeda bertjakepan sampe poeas pada kadoea soeami-istri itoe, maka akoe robah niatankoe, dan berangkat poelang pada itoe malem sadja. Hal ini orang boleh selidiki pada orang-orang di hotel, apakah sapoelangnya dari djalan-djalan akoe ada kaloeur lagi dari hotel?“

Dari papreksaan ada ternjata bahoea doea toean itoe telah sampe di hotel pada djam sapoeloe liwat. Orang telah liat kadoea toean itoe beromong-omong, tapi sedari itoe waktoe orang tiada dapet taoe dan djoega tida dapet liat bajangannya kemana Graaf Collini soeda linjap. Tida satoe orang dapet liat itoe Graaf kaloeur dari hotel, oleh kerna demikianlah maka itoe perkara djadi tinggal gelap, maski poen

orang-orang politie dan detectief bekerdja keras boeat bikin terang hal linjapnja Graaf Collini.

„Tapi toch toedoehan tinggal melengket pada Hubert sebagi pemboenoehnja Graaf Collini, ja, brangkali sahabisnja diboenoeh, Graaf itoe laloe dilemparken ka dalem laoet,” kata akoe.

„Kaloe betoel Hubert memboenoe itoe Graaf, dimanakah ia lakoeken pemboenoehan itoe? Begimanakah tjaranja ia memboewang mait korbannja?” menanja Oom Jacob atas perkata’ankoe. „Tatkala kadoea toean itoe berdjalan-djalan di pinggir laoet, itoe waktoe tjoeatja ada terang, sedeng di tempat itoe ada banjak orang moendar-mandir. Djoega sasoedanja djalan-djalan di tempat terseboet, boekankah marika berdoea lantas berdjalan poelang ka hotel?”

„Akoe soenggoeh bingoeng,” djawab akoe „Tapi bagimanakah kaoe sendiri maoe terangken linjapnja itoe Graaf?”

„Saderhana sekali” djawabnja Oom Jacob dengan sabar. „Akoe rasa sekarang ini Graaf Collini sedeng bersenang-senang di Engeland.”

„Tapi toch detectief-detectief aken dapet taoe tempat tinggalnja Graaf itoe,” kata akoe.

„Marika boleh tjari, tapi kaloe sama sekali belon perna ada Graaf Collini, apakah jang marika maoe tjari?” djawab Oom Jacob.

„Apa belon perna ada Graaf Collini?” tanja akoe.

Ah, itoe tjoema ada satoe tipoe sadja. Dia sekarang soeda linjap, dan ia tida aken moentjoel lagi di doenia. Graaf itoe tida mati, djoega ia tida semboeniken diri. Brangkali ini waktoe ia soeda djadi soedagar atawa

apa sadja jang ia soeka-pili. Melinken tinggal kwa-djibannja toean Reginald Turnour aken ambil atoeran-atoeran soepaja itoe Graaf tida mendjelma lagi."

"Toean Reginald Turnour?" tanja akoe dengen amat heran.

"Ah, apa betoel kaoe tida mengarti?" menanja Oom Jacob., Toch itoe oewang 80.000 masih ada di tangannja."

"Doedoeknja perkara jang betoel adalah begini," kata poela Oom Jacob. "Sebagimana tadi kaoe soeda dengeri, toean Hubert Turnour soeda ampir menikah pada itoe gadis hartawan, tapi mendadak Alice dapet laen kisikan, bertambah lagi njonja Brackenburg ada bagitoe gila kahormatan. Lantaran ada kisikan itoe, maka perhoeboengannja Alice pada Hubert djadi renggang.

"Itoe waktoe satoe tipoe jang aloes lantas diatoer oleh doea pendjahat, dan haroes dibilang ahli pendjahat jang paling oeloeng. Boeat djalankan itoe tipoe, Hubert dan Reginald moesti bersakoetoe dan poera-poera djadi moesoeh satoe sama laen.

"Sebagimana soeda terdjadi, njonja Brackenburg dan Alice ada tinggal di London, sedeng Reginald Turnour ada tinggal di Reading Place, hingga marika, ahliwaris dan wali, tida kenal satoe sama laen.

"Bépa lamanja akce ada di Reading Place, dan orang soeda kasih kenal akoe pada toean Reginald Turnour. Ia ada toeroenan bangsa Schot, sebagimana bisa dikenali dari ramboetnya jang koening.

"Aken bisa menjaroe djadi satoe Graaf bangsa Italië, ia perloe tjat itam ioe ramboet, koemis, alis dan mata, sedeng ia poenja omongan Inggris, sengadja ia bikin

bagitoe lantjar, soepaja bisa disaroecken dan djadi sedikit pelo, hingga orang boleh sangka ia betoel ada bangsa Italië. Begitoelah, dengen amat sampoerna ia bisa salin roepanja. Achirnya datenglah itoe moesin saldjoe dan pesta dansa, dimana nona Alice dikasih adjar kenal oleh njonja Brackenburg pada Graaf Collini tetiron pada siapa Alice dengen gampang sekali kena kapelet. Alice laloe bikin poetoes itoe perhoeboengan toendangan pada Hubert, sebagimana Hubert djoega lebi doeloe soeda taoe bakal kadjadian demikian.

„Sasoedahnja menikah, lantas terdjadi itoe pertemoean antara Hubert dan Graaf Collini tetiron. Hubert moesti ambil tempat di lain hotel jang lebih besar, disitoelah marika berdoea masoek dalem satoe kamar, itoe Graaf Collini tetiron lantas goenaken aer dan saboen boeat bikin linjap itoe sepoean itam pada ramboet, koemis dan matanja. Dengan ramboet, koemis dan alis warna koening, itoe Graaf Collini tetiron alias si Reginald Turnour laloe kaloeear dari kamar terseboet dan djalan di antara tetamoe-tetamoe laen jang masih banjak doedoek beromong-omong, tapi sama sakali tida terbitken sangkahan atawa tarik pikirannja laen orang. Ia poenja djalan jang sedikit pintjang dan jang selaloe tarik pikirannja orang banjak, mendadak soeda ilang.

Demikianlah itoe kadoea soedara Hubert Turnour dan Reginald Turnour, dengen tida bertjetjokan soeda dapetken itoe oewang warisan 80.000 pondsterling, maski poen Reginald Turnour djadi lebih oentoeng lantaran bisa kawin pada Alice jang masih gadis

Hoofdstuk III. Perkaranja Tremarn.

„Itoe toch aneh sekali,” kata akoe, sambil taro soerat kabar di atas medja.

„Tida, itoe tida terlaloe aneh,” sahoetnja Oom Jacob. „Dalem ini doenia soeda loemrahnja bahœa satoe perkara boenoe, pentjoerian atawa penipoean lantas djoega tjara-tjaranja kadjahatan itoe nanti dilakoeken atawa ditiroe oleh laen-laen pendjahat jang belon pande. Demikianlah soeda terjadi dengen ini perkara jang roepanja ada mengheranken pada kaoe. Kaoe tentoe belon loepa, bahœa belon berselang satoe tahan orang telah dapetken satoe mait dalem kreta sewa. Orang itoe mati terboenoeh dengen tjara jang amat loear biasa, — brangkali dengen satoe piso pandjang seperti biasa dipake oleh orang-orang Italië. Perkara itoe terjadi di Parijs dan tida satoe orang di Engeland perdoeliken itoe salaennja angkat poendak dan tjela tida amannja kota Parijs serta koerang tjerdknja ditectief-ditectief Frœnsch jang tida bisa dapet tangkep si pemboenoeh.”

„Tapi ini kadjadian ada lebih banjak menarik pikirannja orang banjak. Sasoeatoe orang tentoe masih inget pada itoe kadjadian di Minggoe jang laloe.”

„Itoelah betoel,” kata Oom Jacob. Kadjahatan itoe dilakoeken di tengah djalanan jang paling rame dalem kota London. Akoe tida taoe apa itoe courant ada wartaken kadjadian terseboet sampe pada ia poenja

bagian-bagian jang paling ketjil. Tapi doedoeknja perkara adalah begini :

„Pada hari Senen jang laloe, doe a toean-toean telah panggil satoe kreta sewa di djalanán Shaftesbury. Sala satoe toean itoe kasih adres pada koetsir boeat toedjoe-ken kretanja ka Cromwell-Hee. Di tempat jang dibri taoe, kreta dibrentiken oleh sang koetsir. Sala satoe toeroen dari kreta, briken persenan besar pada si koetsir dan minta soepaja temennja jang masih ada dalem kreta dibawa teroes ka Westminster Chambers.

Sasampenja di tempat terseboet kreta dibrentiken dan si koetsir toenggoe moeatannja toeroen. Tapi sebab penoempang itoe tinggal diam dalem kreta, maka si koetsir laloe melongok.

„Akoe kira ia tidoer dalem kreta,” kata koetsir itoe di hadapan politie koetika perkara terseboet katahooean ada satoe perkara pembuanehan. „Di dalem kreta akoe dapatken toean itoe sedeng ti loer menjender dengen moekanja mengedepi pada djendela. Akoe panggil-panggil, tapi sia-sia sadja, toean itoe tinggal bisoe. Akoe laloe gojang badannja, dan. Astaga akoe djadi sanget mengkirik koetika liat moekanja toean itoe jang poeljat seperti kertas dan tida bergerak. Itoe waktoe kreta ada dekat lentera, maka pemandangan soeda djadi njata sekali, hingga akoe tida merasa sangsi aken doega toean itoe soeda djadi mait. Satoe loeka besar ada kaliatan di bawah koeping-nja. Itoelah tentoe bekas satoe tikeman.”

„Atas treakannja itoe koetsir lantas djoega bebrapa

Njonja Barones de Orsy. 3.

orang politie dateng menghampiri dan maski poen itoe waktoe soeda djaoeh malam, tapi tida loepoet banjak orang dateng berkroemoen," bagitoelah Oom Jacob landjoetken tjeritanja.

„Sala satoe orang politie laloe naek ka atas itoe kreta dan titahken koetsir djalanken kretanja menoedjoe ka sala satoe kantoor politie jang paling dekat".

Di kantoor politie laloe dibikin 'papreksa'an, dan ditetapken tjara bagimana orang itoe diboenoech dan dengen sendjata apa orang goenaken boeat memboenoeh.

Pendjahat jang memboenoeh korban itoe ada menggoenaken satoe sendjata ketjil tapi pandjang. Ia menoesoek di itoe bagian bawah koeping sampe menemboes ka koeping sabelahnja. Sendjata itoe poen telah didapetken oleh orang politie di bawahnja djok kreta. Toesoekan itoe tentoe dilakoeken pada waktoe si korban kabetoelan menengok ka laen djoeroesan, tatkala mana dengen tangan tetap dan djitoe si bangsat soeda menoesoek sakoeat-koeatnja.

Besokannja, tentoe sadja soerat-soerat kabar ada wartaken pandjang lebar terdjadinya perkara terseboet. Kombali akoe hendak boektiken bahoea di doenia ini segala apa melingken ada landjoetan sadja. Seperti ini perkara pemboenoehan dalem kreta, satoe taon jang laloe memang soeda perna kadjadian di kota Parijs.

Siapa adanja itoe orang jang terboenoeh dan siapa adanja si pemboenoeh, itoelah besokannja perkara terseboet baroe mendjadi terang. Soerat-soerat kabar

itoe soeda ada kasih kaloear lembaran loear biasa dengen memake letter-letter itam jang besar-besar. Samoea orang kapingin taoe siapa adanja itoe orang jang diboenoe dan orang jang lakoeken pemboenoehan. Njatalah orang jang diboenoe ada toean Philip le Cheminant, kaponakannja Hertog Tremarn dan jang didoega aken djadi djoega ahliwarisnja Hertog terseboet.

II

„Boeat mengarti sebab-sebabnja,” kata Oom Jacob, „kenapa pekabaran tentang pemboenoehan ini ada diriboetken oleh orang banjak, kita haroes balik pada kira-kira doeapoeoe lima tahun doeloean, jaitoe takala Arthur le Cheminant, anak kadoea dari Hertog Tremarn, bikin perdjalanan mengoelingi doenja”.

Dalem perdjalanan Arthur le Cheminant, ia telah sampe di Martinique, sala satoe poelo di West Indië, jang pada beberapa tahun berselang telah moesna oleh letoesannja goenoeng api. Di poelo itoe jang soenji, ia telah beitemoe dengan satoe gadis tjantik, Lucie Grand namanja, pada siapa Arthur telah djato tjinta dan kamoedian laloe menikah.

Tapi lekas djoega Arthur djadi bosen pada istrinja itoe, maka doeaa tahun kamoedian ia laloe tinggalken istri itoe dengan satoe anak, sedeng Arthur sendiri dengan simpen ia poenja resia nikahan, laloe meloetoep mata. Takala itoe, anaknya baroe beroemoer satoe tahun.

„Sekarang datenglah bagian jang sedih dari itoe tjerita”, kata lagi Oom Jacob. „Sebagimana kaoe taoe, njonja Barones, kota St Pierre, satoe antara tempat jang paling oetama di poelo Martinique, soeda

binasa sa' anteronja oleh letoesan-letoesan goenoeng api Ampir samoea pendoedoek itoe kota telah binasa, antara siapa adalah djandanja Arthur le Cheminant, sedeng poertranja jang masih ketjil telah toeroet pada orang-orang jang melariken diri jang ditrima di Kolonie Inggris St. Vincent.

„Djoestroe di tanah djaduhanan itoe, jang mendjadi kapoenja' annja keradja'an Inggris, nama le Cheminant salamanja dikenal oleh kabanjakan rahajat Inggris, maka Philip, anak dari Arthur le Cheminant, dengan lekas dapet taoe bahoea ajahnja ada soedara moeda dari Hertog de Tremarn, samentara Philip, lantaran pamannja itoe tida nikah, tentoe bakal djadi ahliwaris atas milik dan gelarannja Hertog itoe.

„Philip lantas ambil poertranja aken dateng ka London dan kadatengannja itoe telah menerbitken banjak omongan. Hertog Tremarn ada mempoenjai tiga anak, antaranja jang soeloeng sekarang djadi Hertog, jang kadoea adalah Arthur, sedeng jang katiga bernama Reginald dan telah meninggal doenia pada bebrapa taon jang berselang. Ia ini ada tinggalken ampat anak, Harold jang paling toewa ada beroemoer 23 tahun dan ialah ada dianggep mendjadi ahliwaris.

„Kabar tentang datengnya itoe kaponakan, Philip, ada sebagai boenjinja gledek bagi Hertog Tremarn. Tapi ia sama sekali tida pertjaja ada itoe nikahan dan kata bahoea hal itoe ada satoe perkara djoesta.

„Bebrapa boelan telah laloe orang toenggoe datengnya itoe orang..... dan achir-achir itoe koponakan-dara-tjampoeran laloe moentjoel di kota London, tapi



Philip masoek dengen mendadak dalem kamarnja Hertog de Tremare
dengen kasi sogokin pada pengawal pintoe.

(Resia Jineh

Ketja No. 36.)

dengen sen lirian, zonder temen dan zonder oewang. Sasampenja di London, Philip le Cheminant dengen keada'ay amat miskin, ingin lantas bertemoe dengen pamannja. Kainginan itoe lantas djoega ia djalanken, tapi pamannja itoe menolak boeat bertemoe padanja. Sebab dengen teroes terang ia tida bisaken bertemoe dengen paman itoe, maka Philip abisken ia poenja oe-weng jang masih ada banjaknja 6 poundsterling boeat sogok pada James Tovey, pengawal pintoe kamarnja itoe paman. Dengan itoe daja ia dapet bertemoe dengan mendadak pada paman itoe di satoe kamar dan apa jang diomongken antara marika berdoea, tida satoe orang poen jang dapet taoe. Tapi sasoedanja terjadi itoe pertemoean, lantas dimaloemken dalem soerat-soerat kabar bahoea Philip diakoeh ada djadi kaponakannja Hertog Tremarn, dan betoel ada djadi poetranja Arthur.

„Laen-laen kaponakannja Lord Tremarn, antara siapa ada Harold jang perna paling toewa, ambil poetoesan aken berlaloe dari astananja Hertog Tremarn dan pinda tinggal di London.

„Ini sampea telah kadadian berselang sapoeloe boelan, dan sekarang ahliwaris jang baroe, jaitoe Philip le Cheminant telah kadapetan terboenoeh orang di dalem satoe kreta sewaan dan Harold lagi-lagi berbalik djadi ahliwarisnya Hertog Tremarn”.

III

„Permoesahan hebat antara kadoea kaponakan itoe, saban-saban ada dioesik dalem soerat-soerat kabar”, kata poela Oom Jacob dalem penoetoerannja.

„Maka satelah Philip le Cheminant mati terboenoeh, orang lantas tida pikir banjak boeat tebak siapa pemboenoehnya. Boekankah Harold le Cheminant sadja jang boleh mendapet kaoentoengan bagi wafatnja Philip ?”

„Ja, itoelah betoel”, sahoet akoe.

Bagi politie dan detectief-detectief ada penting sekali boeat dapet taoe antero perboeatannja itoe orang jang terboenoeh.

Thomas Sowyer, pendjaga pintoe dari Grosvenor Club, dan sala satoe djongos dari roemah perkoem-poelan terseboet, telah pastiken bahoea orang jang terboenoeh ada lid dari itoe Club dan pada malaman sabelonnja ia terboenoeh, ia telah bersantap di Club terseboet.

Toean Philip le Cheminant baroe berangkat dari tempat doedoeknya koetika ada dateng saorang asing jang minta bitjara padanja. Lebih doeloe toean Philip merasa sangsi boeat bitjara pada itoe orang asing, tapi sasoedanja berpikir bebrapa saat, achir-achir ia berangkat djoega bersama orang asing itoe ka satoe roewangan ketjil. Inilah ada satoe keterangan jang melingken bisa dibriken oleh Thomas, dan lebih dari itoe ia tida taoe.

Di itoe roewangan ketjil, djongos dari itoe perkoem-poelan, lajanken marika berdoea doedoek santap, tapi selagi doedoek bersantap marika djadi bertjetjokan keras, hingga itoe orang asing berlaloe dengen lantas dari roewangan terseboet sembari mengamtjem katanja „Kaoe liat, kamoedian nanti terbales atas dirimoe”.

Thomas Sowyer dan djongos itoe dapat kenalken bahoea orang asing jang bertjetjokan pada toean Philip, adalah toean Harold le Cheminant.

Dengen itoe pengoendjoekan, politie lantas oesoet djalannja itoe perkara, tapi di roemah-roemah komedie, marika dapat keterangan-keterangan jang samar.

Tjoema ada satoe keterangan jang berharga, jaitoe sala satoe pendjaga pintoe dari roemah komedie pada waktoe pertoendjoekan pertama baroe dimoelai, telah dapat liat satoe toean jang berdjalanan liwat di depannya dengen keada'an sengit dan bernapsoe sekali. Toean ini dengen soeara njata ada kata: Akoe tida bisa tahan dalem keada'an begini lebih lama, satoe dari kita-orang moesti kadjadian.

Djikaloe keterangan-keterangan itoe dikoempol dia-di satoe, lantas tida bisa disangkal lagi bahoea toedoe-han lantas djato pada dirinja toean Harold.

IV

Koetika perkara itoe dipreksa di hadapan pengadilan, kaheranan dan napsoenja orang banjak, soeda tida bisa diloekeksen lagi.

Sebagimana biasa kaloe ada kadjadian perkara pemboenoehan, lantas tabib diminta keterangan-nya berhoeboeng dengen ia poenja papreksaan atas mait jang terboenoeh itoe.

Kamoedian datenglah mengadep doea boedjangnya Hertog de Tremarn, koetsir dan agent dari roemah komedie. Kamoedian datenglah penggawe dari Grosvenor Club, jang sebagimana ternjata dari keterangan-

nja, ada paling banjak menarik pikirannja sakalian orang.

Koetika ditanja oleh hakim, apa ia bisa kenalken roepanja itoe orang asing jang itoe malem ade riboet moeloet dengen toean Philip di Grösvenor Club, lantas dengen tida sangsi lagi matika berdoea menoendjoek toean Harold le Cheminant.

Tapi ada djoega bebrapa orang jang dapet rasa bahoea ini perkara jang kaliatannja saderhana sekali, sabetoelnja ada terslip satoe resia lebih dalem dan bisa mengheranken pada sakalian orang.

Tida lama dalem itoe roewangan pengadilan ada mengadep satoe orang jang hendak mendjadi saksi dalem itoe perkara dan menoeroet katanja, ia nanti bisa kasih keterangan pada hakim dalem itoe perkara jang gelap.

Namanja itoe saksi baroe ada Charles Collins dan tinggal di Cashon Road. Dengan soeara jang lambat ia toetoerken bahoea ia poenja satoe anak nama William, kira-kira tiga taon jang laloe te'ah linjap tida katahoean.

Salama doeа taon jang laloe tida ada kadengeran apa-apa tentang anakoja itoe jang ilang, sampe **ka-moedian** pada sasoetoe hari ia poenja satoe anak pram-poean telah dapet liat itoe si William. Ioe gadis jang tjerdik, anak prampoeannja si Charles, lantas boentoetin kamana perginja si William. Achir-aci ia dapet liat bahoea William masoek dalem satoe astana di Grosvenor Square.

Samoea orang jang menonton dalem roewangan

pengadilan tahan napasnja, tiada satoe orang jang maoe bitjara atawa berbisik-bisik, hingga itoe roewangan djadi amat soenji, saoepama djaroen djato bisa kadergan,

Collins laloe landjoetken poela tjeritanja, ia kata bahoea pada satoe hari ia ada batja soerat kabar dimana ia telah dapet batja satoe kabaran tentang kadjadiannja itoe pemboenoehan jang anéh, dan djoega ada diseboetken fatsal roepanja itoe korban. Dari roepa jang diseboetken, Collins, istri dan anaknya, lantas berseroe bahoea orang jang diboenoeh itoe, adalah si William.

Maka itoe hari djoega lantas Collins menoelis soerat pada politie soepaja ia dan anak istrinja boleh dapat permisi boeat preksa mait dari itoe orang jang terboenoeh. Koetika marika dikasih liat roepaaja itoe mait di kamar mati, lantas marika dengen tida sangsi lagi kenalken bahoea jang terboenoeh itoe betoel ada di William.

Sekarang di hadapan itoe pengadilan toean Charles Collins jang soeda toewa, bersama dengen anak istrinja brani bersoempah bahoea mait itoe betoel ada mait anaknya, si William, jang sama sekali tida ada poenja hak boeat dapat warisan, gelaran atawa poen hartanja Hertog de Tremarn, kerna si William itoe poen tida lebih dari pada satoe pengemis di djalanan.

„Soenggoe ini boekan ada satoe kaanehan jang ketjil,” kata Oom Jacob, „samoea orang dalem itoe roewangan pada mengawasin pada itoe orang toewa jang memboeka resia, masing-masing seperti hendak menanja

apakah itoe ada perkara jang sasoenggoenja, atawakah melinken ada satoe lelakon komedie sadja ?

„Siapakah sabetoelnja ada itoe orang jang terboenoeh? Inilah ada satoe pertanja'an jang menerbitken kasangan orang boeat salama-lamanja. Philip le Cheminant atawa William Collins masing-masing bawa sabagian dari itoe resia ka dalem koeboeran.

V

„Tapi pemboenoehnja?” akoe menanja pada Oom Jacob, sebab liat itoe Oom brenti tjerita.

„Pemboenoehnja?” sahoetnja Oom Jacob, „Ja, pemboenoehnja? Itoelah ada resia jang kadoea dalem ini perkara. Maski orang kasih kasaksian dengen boekti-boekti tentang siapa orangnja jang terboenoeh, tetap orang menebak dengen pasti bahoea pemboenoehnja tentoelah ada Harold le Cheminant.

„Tapi orang jang ditoedoeh zonder berdosa masalah bisa trima sadja bagitoe? Inilah orang bisa liat begimana Harold belaken dirinja selagi hakim djatoken itoe toedoehan-toedoehan heibat atas dirinja. Ia telah kasih keterangan-keterangan dengen boekti-boekti jang lengkap boeat bersihken dirinja. Djadi dalem ini perkara ada terpendem doea resia, jaitoe siapa jang diboenoe dan siapa jang memboenoeh. Maka sekarang kita moesti madjoe lebih doeloe dalem pertanja'an: Siapakah si pemboenoehnja?”

„Ja, siapakah si pemboenoehnja?” tanja akoe dengen amat bernapsoe.

„Boeat dapet taoe itoe,” kata lagi Oom Jacob, „orang

haroes memikirken fatsal soerat soerat kalahiran dan soerat kawin antara Arthur le Cheminant dan Lucy Grand di itoe poelo. Sebagimana tadi soeda akoe toetoerken, Philip le Cheminant telah ambil poetoesan aken dateng ka Engeland, maka ia laloe menoelis soerat pada pamannja dan kamoedian berlajar ka Europa dengen singga di Havre dan Parijs.

„Di Parijs pada satoe taon jang laloe, Philip le Cheminant jang toelen telah diboenoeh di dalem satoe kreta sewa'an, sedeng itoe orang asing jang ini tiga minggoe telah diboenoeh di kota London, ada temennja Philip, pada siapa Philip le Cheminant ada toetoerken resianja. Lantaran dapet taoe resianja Philip jang amat berharga, maka itoe temen dengen mempoenjai soerat-soerat toeroenan poesakanja Philip, telah dateng ka London dan bikin dirinja djadi Philip le Cheminant soepaja boleh diakoeh sebagai kaponakannja Hertog de Tremarn.

„Tapi bagimanakah toean bisa taro anggepan jang bagitoe djaoe?” tanja akoe dengen heran.

„Sebab si William Collins itoe sasoenggoe bisa djadi satoe penipoe. Ia telah dateng koendjoengi Hertog Tremarn, jang tolak aken katemoeken padanja, tapi kamoedian dengen menggoenaken oewang sogokan pada pendjaga pintoe. William bisa djoega masoek dalem kamarnja Hertog itoe, jang pada sahabisnya terjadi itoe pertemoean, lantas djoega itoe William diakoeh sebagai kaponakannja Hertog Tremarn dengen memake itoe nama Philip le Cheminant.

„Kenapa bisa djadi bagitoe?” menanja akoe.

Sebab itoe Hertog ada di bawah kozasanja si William. Hertog ini sabetoelnja soeda dapet bertemoe pada Philip le Cheminant jang toelen dan telah acoh Philip itoe sebagi kaponakannja, tapi di dalem hatinja ia merasa tida soeka, maka koetika djalan pasiar di Parijs, Hertog Tremarn soeda goenaken itoe koetika boeat abisken djiwanja itoe kaponakan dari darah-tjampoeran jang tida disoeka olehhnja.

„Sebab Philip ada saorang asing jang miskin, dan ada tinggal di satoe hotel ketjil, maka eigenaernja hotel itoe merasa tida bagitoe perloe boeat tjari taoe siapa adanja itoe orang jang terboenoeh dan jang ada djadi penoempang dalem hotelnya.

„William Collins taoe siapa adanja itoe orang jang memboenoeh Philip, kerna ia poen ada menginep sama-sama Philip dalem hotel terseboet, maka ia laloe berichtiar dan achirnja telah dapetken soerat-soerat berharga jang ada djadi kapoenja'nnja Philip. Ia lantas dapet satoe pikiran bangsat, maka sambil bawa-itoe soerat-soerat berharga, ia katemoeken Hertog Tremarn, goenaken antjeman bahoea ia nanti boeka resianja Hertog itoe sebagi pemboenoehnja Philip djikaloe Hertog itoe tida maoe acoh ia sebagi kaponakannja, dan djadiken ia ahliwaris jang toenggal. Sebab ada di bawah pengaroenja itoe bangsat William, maka itoe Hertog kedjem, terpaksa acoh si William sebagi kaponakannja dengan memake itoe nama Philip le Cheminant. Tapi Hertog Tremarn sekali-kali tida soeka mempoenjai kaponakan jang mempoenjai tingka lakoe bagitoe, maka itoe hal ada memberatken sangat

pada hatinja, lantaran apa maka ia laloe ambil poe-toesan boeat abisken djiwanja itoe kaponakan palsoe.

„Itoe malem hawa oedara ada gelap, perselisihan antara Harold dan Philip ada menjeroeng aken ia djalanken itoe pemboenoehan dengen lekas, sebab itoelah ada koetika jang baek sekali bagi ia. Demikianlah, sasoedanja Harold toeroen dari kreta dimana tadinja ia ada doedoek bersama-sama Philip palsoe, kreta itoe lantas dinackin dengen tida katahoean oleh Hertog Tremarn dan di dalem kreta itoelah Philip palsoe alias si William diabisken djiwanja. Nah, sekarang apa tida sampe terang bagi kaoe? Slamat malem, kaoe moesti berangkat poelang,“ kata ite Oom jang itoe saat sigra berlaloe dari hadepankoe dengen tinggalken begitoe banjak kaheranan di dalem hatikoe.

Sasoedanja bengong beberapa saat, kaoe djatoken matakoe di soerat kabar jang dengen letter besar ada wartaken bahoea Hertog Tremarn ada dapet sakit keras dan orang kwatir bagi djiwanja.

Hoofdstuk IV. Resia di Ayrsham.

Pada soeatoe sore jang sedjoek, sambil doedock dengen peloek tangan di hadepan saja, Oom Jacob ada toetoerken poela laen tjerita adjaib dan aneh seperti di bawah ini:

Pada satoe malem di boelan October, sedeng oe-dara ada gelap goelita, doeа orang tani jang hendak brangkat poelang dari Ayrsham, di tengah djalan sakoenjoeng-koenjoeng soeda kena kasandoeng dengan satoe mait jang melintang di tengah djalan besar.

Bermoela itoe doeа orang tani sangka bahoea jang menggletak di tengah djaian itoe, tentoelah ada sa-orang mabok, tapi koetika marika angkat mait itoe, lantas djoega marika dapet kenalken bahoea orang jang soeda maninggal doenia itoe ada Newton dari Ayrsham. Keada'annnja mait itoe ada ngeri sekali. Ia poenja kapala telah antjoer sama sekali. Roepa-roepanja ia telah diboenoeh oleh saorang jang koeat sekali dan diserang dari belakang.

Selagi itoe doeа orang tani bermoeifikatan apa jang marika haroes berboeat pada itoe mait, lantas dari belakang ada kadengeran soeara tindakannja saorang jang mendatengi, dan orang itoelah ada Samuel Holder dari Ayrsham.

„Eh! kenapa ini papa Newton ?” tanja ia dengen kaget.

„Kaoe liat ia soeda tida bernapas,” djawabnja sala satoe itoe orang tani.

Samuel djadi kaget. Ia laloe bermoefakatan dengen itoe doea orang tani, dan samoea satoedjoe aken balik lagi ka Ayrsham boeat kasih taoe itoe perkara pada politie.

Itoe perkara boenoeh dengen lekas soeda sampe dari moeloet ka laen moeloet, hingga sakedjepan sadja perkara terseboet soeda tersiar di saloeroeh kam-poeng itoe. Orang banjak ada toeroet doeka tjita bagi wafatnja itoe orang toewa dan taro banjak kasian pada nona Mary Newton, poetri satoe-satoenja dari toean Newton.

Toean Newton itoe ada saorang toewa jang tjercwet. Baek pada tetangga baek poen pada anaknya sendiri, toean Newton tida bagitoe bisa akoer. Nona Mary jang tjantik, boekan dapet kasian atawa sajang dari Newton, tapi sabaliknja dapet banjak siksa'an, maski poen banjak orang ada taro kasian dan sajang pada nona Mary itoe jang tjantik. Bagitoelah, boekan ada satoe perkara jang djarang terlihat oleh tetangga-tetangga tentang pertjidra'an-pertjidra'an jang terjadi antara nona Mary dan papanja.

Ayrsham ada satoe doesoen jang indah, dikiteri oleh lemba-lemba jang lebet, maka inilah ada tempat memboeroe jang paling senang. Di tengah-tengah ini doesoen ada berdiri satoe gedong besar dan amat indah, jang sedari moelai berdiri ada dinamaken „De Limes”. Sedari lima tahun jang laloe, gedong itoe disewa oleh familie Ledbury. Soedara soeloeng dari Ledbury sekarang ada djadi Luitenant dari pasoekan barisan koeda.

Mary Newton, poetrinja itoe orang toewa jang terboenoeh, sebagimana soeda diseboet, ada satoe gadis jang tjantik sekali, bo'eh dibilang ialah ada djadi boengah jang paling indah dalem itoe antero doesoen. Tapi Mary ada berhati lembek, gampang diboedjoek oleh moeloet lelaki. Ia sabenarnja soeda ditoendangkan pada Samuel Hölder, tapi toch Mary tida bisa tolak koetika Mervin Ledbury njataken tjinta padanja.

Sakoenjoeng-koenjoeng pada soeatoe hari Mary boeron, tida katahoean kamana perginja, tapi itoe perkara tida diboeat heran oleh orang sakaimpoeng itoe. Melingken papa Newton jang djadi kesel dan boeat pikiran itoe perkara. Tabeanja jang saderhana, sedari poetrinja ilang, djadi oering-oeringan. Ia tida perdoeliken lagi pada waroengnya atawa roemah tangganja lakoenna djadi amat pendiam tapi gampang marah. Njata sekali papa Newton ada menanggoeng kadoeka'an besar, satoe hal jang tida mengheranken, kerna si Mary itoe toch ada papa Newton poenja poetri jang toenggal. Boeathiboerken hatinja jang kesel, papa Newton berkawan dengen alcohol, maka seringkali ia djadi mabok.

Sasoedanja mengilang ampat taon lamanja, pada soeatoe hari dengen tida terdoega Mary moentjoel kombali di hadepan papanja. Apakah jang Mary bikin da'em itoe tempo ampat taon? Inilah tida saorang jang dapat taoe. Ia toch tida menikah pada itoe Luitenant dari barisan koeda, Mervin Ledbury, djoega tida menikah pada laen lelaki. Djadi apa jang telah terjadi pada dirinja Mary dalem itoe am-

pat taon, tida saorang jang dapet taoe dalem itoe desa. Melinken Newton jang taoe, maka djoega ia poenja adat djadi semingkin beringas, dan teroes maen mabok-mabokan. Di segala waroeng minoeman satiap hari orang bisa katemoeken papa Newton dalem keada'an mabok jang tida inget orang. Kapan ia sedeng mabok, laloe mengantjem pada itoe orang jang bikin sia-sia anak prampoeannja, djoega ada seboet prihal oewang ganti karoegian dan prihal meroesaken kapertjaja'an, maka ia kata, kaloe sadja ia bisa katemoe pada itoe penipoe, nistjaja ia aken boenoeh mati.

Dalem ia poenja kasangsian, papa Newton telah bikin penjelidikan djoega pada Mervin Ledbury, tapi orang dalem itoe desa tida bisa toetoerken tentang halnya saorang jang tinggal lima paal djaoenja di loear desa.

Gedong „De Limes” soeda tida ada orang jang sewa lagi, baek oleh Hertog Walterton atawa poen oleh Mervin Ledbury.

Riwajatnja papa Hewton djadi boeah toetoernja orang banjak. Orang mendoega-doega siapa orangnya jang telah meroesaken kapertjaja'an, sebagimana ada sering dikataken oleh papa Newton saban kali mabok. Djoega orang bertaksir-taksir siapa jang haroes mengganti oewang karoegian banjaknja f 60.000, dan gantian karoegian apakah itoe.

Doega'an orang laloe didjatoken pada Mervin Ledbury, ritmeester pada barisan koeda, kerna meliaken ialah saorang jang bagitoe tergilagila pada Mary Newton,

sampe kamoedian nona moeda itoe mengilang. Djoega ada orang laen menanja pada diri sendiri, apakah jang Samuel Holder bikin maka ia berada di tempat kadjadiannja itoe pemboenoehan, djoega bagimanakah ia soeda bisa taoe orang jang terletak itoe ada papa Newton, sedeng ia masih berada beberapa depa djaoenja dari tempat itoe doeae orang desa berloetoet di hadepan mait.

Perkara tersebut laloe dipreksa oleh politie, di hadepan kantoor mana ada berdjoebel orang-orang jang menonton.

Barang boekti ada didapetken satoe toengket koeno jang berharga mahal, dan barang ini soeda didapetken tida djaoe dari tempat dimana itoe mait ada terletak dan dengen itoe toengket kapalanja papa Newton di kemplang sampe mati.

Katerangannja tabib dan itoe orang tani, ada terbitken sedikit keterangan atas itoe pemboenoehan jang gelap. Tapi jang paling menarik hati adalah koetika Samuel Holder dipanggil mengadep dan disoerroe mengakoe atas kadosahannja.

„Papa Newton almarhoem,” kata Samuel pada politie, „selaloe berdaja boeat dapet taoe siapa adanja itoe orang jang pada ampat tahun laloe telah kasih djan-djian boeat menikah pada anaknja, tapi Mary selama-nja tida maoe bri toea hal itoe. Itoe hal membikin papa Newton merasa tida enak”.

„Toean djoega tida taoe siapa adanja itoe orang ?”, tanja commissaris.

Samuel Holder tida lantas menjaoet, ia berpikir

seperti menimbang oentoeng roeginja bagi ia poenja djawaban Achir-achir ia berkata:

„Akoe tida taoe. Tapi,” ia melinken bisa kata sampe disitoe, lantas roepanja djadi hebat, kerigetnya berketel-ketel, dan ia teroesken perkata’annja „papa Newton seringkali kata pada akoe bahoea ia kapringin sekali bisa dapet tjekel itoe orang jang bernama Ledbury, dan.”

„Djadi kaoe taoe terang dalem ini perkara, maka teroeskenlah tjeritamoe,” katanja Commissaris dengen bengis, sebab liat Holder tida maoe teroesken tjeritanya.

„Ja, toean. bagitoe sadja jang akoe bisa kasih keterangan, doea kali papa Newton ada oetjap-ken perkata’annja itoe padakoe.” djawabnja Holder dengen terpoetoes-poetoes. Sahabisnja oetjap-ken itoe pengakoean, Samuel roepanja djadi sanget katakoetan, sebab ia djatoken itoe toedoehan pada orang jang berpangkat dan hartawan, lantaran begitoe maka ia djadi gemeteran dan roepanja bagitoe hebat, hingga lantaran takoet ia djato pangsan, maka orang bawa ia ka laen roewangan.

Saksi jang kadoea dibawa mengadep. Namanja Michael Pitkin, eigenaar dari satoe peladang besar di Ayrsham. Pada tahon jang belakangan, Michael ada bergaoel rapet sekali dengen papa Newton. Saksi ini ada toetoerken hal-hal loear biasa jang menerbitken kaheranan besar pada samoea orang jang mendengeri.

Djoega pada ini saksi baroe, papa Newton ada oe-tjapken itoe perkata’an bahoea Ledbury hendak me-

nikah pada nona Mary. Tapi, sabagimana telah kadjadian, Ledbury telah pergi pindah ka London, di kota mana ia tinggalken Mary zonder oewang satoe peser.

„Tida saorang antara kita,” kata saksi lebih djaoe, „dapel taoe dimana tempat tinggalnya Ledbury, sampe pada satoe hari akoe dapet batja di soerat kabar bahoea anaknya Sir Johns aken menikah pada toean Ledbury. Tentoelah djoega itoe ada Ledbury jang pada ampat tahun laloe ada sewa itoe gedong „De Limes”.

„Kamoedian?” mananja Commissaris dengen lebih mendesek dan penonton menahan napasnya.

„Wel, akoe lantas kasih liat itoe soerat kabar pada Newton, jang pada hari rajah nikahan itoe papa Newton laloe pergi ka tanah Sir Johns, dimana itoe pesta dirajaken dengen amat rame dan dikoendjoengi oleh banjak tetamoe jang hartawan dan berpangkat. Apa jang terjadipada Newton koetika ia menonton itoe pesta, inilah akoe tida dapet taoe. Tapi akoe liat papa Newton djadi mendongkol dan oeringan-oeringan koetika sapoelangnya dari itoe pesta, dan ia bersoempah aken bales sakit hatinya pada itoe anak moeda”.

Itoelah ada keterangan jang paling penting dari moeloetnya Michael.

Commissaris laloe panggil lagi Samuel Holder, jang itoe waktoe soeda djadi sabar kombali, maka ia laloe teroesken lagi katerangannya.

Itroe waktoe kira-kira djam sembilat malem. Dengan terboeroe-boeroe akoe poelang dari Ayrsham dengen

melintasi lapangan-lapangan. Oedara ada gelap dan ada toeroen oedjan rintjik-rintjik. Salagi akoe hendak lintasi satoe pager papoehoenan, tiba-tiba akoe dapat denger soearanja orang prampoean dan lelaki jang lagi bitjara oeroesan penting. Sebab oedara ada gelap, maka akoe tida bisa kenalken siapa jang lagi bitjara. Melinken soearanja itoe orang prampoean jang akoe kenalken, sebab ialah ada Mary. Marika bitjara lama sekali. Mary ada tida sabar, sedeng itoe lelaki dari soearanja njata sedeng oering-oeringan. Achir-achir lelaki itoe kadengeran berkata: „Nah, pergi tanja pada ajahmoe, apa ia maoe dateng sabentaran ka sini. Akoe nanti liat apa jang akoe bisa bikin.” Mary tida kadengeran menjaoet. Tapi lantas akoe liat Mary berlaloe dan itoe lelaki menoenggoe di oe-djan. Akoe sendiri tinggal berdiri di sebrang pager papoehoenan. Tapi sebab menoenggoe terlaloe lama, maka akoe laloe ambil poetoesan aken balik sadja ka Ayrsham. Kasatoe sebab akoe kapingin taoe ada oeroesan apa antara ia dan itoe lelaki, djoega akoe taksir papa Newton itoe waktoe tida ada di roemahnja. Akoe tjari di waroeng-waroeng minoeman, tapi poen tida kalianan mata idoengnja. Akoe balik lagi ka tempat tadi, dan. dengan terkedjoet akoe liat papa Newton soeda diroeboengi oleh doea orang tani dan kapalanja soeda abis petjah berarakkan. Ia tida bernapas lagi, sedeng itoe orang asing soeda tida ada.”

Beberapa saat lamanja dalam roewangan papreksa'an tida ada kadengeran soeara orang bitjara. Kamoe-dian Commissaris menanja lagi:

„Apa kaoe tida kenal dari soearanja, siapa adanja itoe orang lelaki jang bitjara pada nona Mary? Dan djam brapa koetika itoe samoea terdjadi?”

„Akoe tida kenal siapa adanja itoe orang lelaki. Terdjadinya itoe samoea kira-kira djam sapoeloe, sebab koetika akoe berlaloe dari Ayrsham, lotjeng di gredja soeda mengoetaraken djam sapoeloe.”

„Baek,” kata Commissaris. „Panggil nona Mary Newton!” ia memerenta.

II.

Lebih djaoe Oom Jacob menoetoer begini:

Nona Mary laloe dibawa ka bangkoe saksi. Semoea penonton toedjoeken matanja pada pengawakannja Mary jang ramping, tapi orang tida bagitoe pertjaja bahoea doeloenja nona Mary ada satoe prampoean jang eilok. Ia sekarang doedoek hadepken hakim, tapi parasnya boekan menggirangken, hanja mendje-moeken. Di bawah matanja, ada bergaris satoe galengan biroe, koelit moekanja ada poetjat seperti orang sakit. Badannya kaliatan bagitoe lemes, sebab ia soenggoe ada lemah sekali.

„Apakah betoal pada hari Selasa sabelonnja djam sapoeloe malem kaoe poenja ajah telah pergi dari roemah?” mananja hakim pada Mary dengen soeara lembah lemboet.

„Ja,” djawabnja Mary dengen sabar.

„Apakah kaoe soeda sampeken pesenannja satoe toeann jang kaoe katemoeken di tengah djalan?”

„Tida, akoe tida ada trima pesenan apa-apa. Ajah-koe pergi dengen kahendak sendiri.”

„Tapi siapatah itoe toean jang kaoe katemoeken di djalanann?“ tanja lagi hakim dengen tida sabar.

„Tida taoe. Akoe tida ada katemoeken orang di itoe malem, sebab akoe tida kaloeear roemah. Itoe malem toch ada toeroen oedjan.“

„Tapi saksi Samuel Holder telah denger kaoe bijara dengen satoe toean di itoe malem.“

„Itoelalah ada satoe kasaksian jang djoesta!“ djawabnja Mary dengen tida keder.

Hakim teroes mendesek dengen berbagi-bagi pertanja'an dan Mary menangkis dengen djawaban-djawaban jang pande. Orang tida njana sekali itoe badan jang ketjil dan moeka jang poetjat, masih penoeh kabranian boeat tangkis dengen pande pertanjaän-pertanjaännya hakim jang melilit.

Bahoea Mary soeda berdjoesta dengen iapoенja penjaoetan·penjaoetan, itoe ampir samoea penonton, bagitoe poen hakim, ada anggep. Djoega orang telah liat dengen terang, dari djawaban-djawabannja Mary, ternjata ia ada bermoesoeh pada saksi Samuel Holder, pada siapa, sekarang Mary berdaja boeat toempahken samoea kasalahan di poendaknja itoe bekas toendangan.

Hakim dengen lemah lemboet tanja pikirannja Mary, begimana ia rasa kaloe hakim toentoet pada Mervin Ledbury, sebab meroesaken kapertjajaän.

„Djangans,“ katanja Mary, tapi dari soearanja itoe ada ternjata jang ia bentji pada Ledbury. „Itoe omongan jang sering dioetjapken oleh fajahkoe, ja-itoe tentang hal meroesaken kapertjaja'an dan ganti karoegian, samoea ada terbit dari moeloetnja Samuel

Holder, kerna ia ini telah memastiken pada ajahkoe bahoea djikaloe akoe belon ada mempoenjai kakajaän 60.000 poundsterling, ia belon maoe menikah padakoe."

Hakim laloe bikin poela laen-laen pertanja'an, soepaja dari pengakoeannja Mary, hakim bisa tjekel sala satoe korban boeat djadi persakitan, tapi njatalah Mary tida maoe bikin pengakoean lebih djaoe. Ia tida maoe tindih Samuel Holder, pada siapa doeloe satoe kali ia soeda perna tjintaken, tapi djoega ia tida maoe timpahken dosa pada Mervin Ledbury. Hakim djadi djengkel dan terpaksa toenda itoe papreksa'an sampe laen harinja.

Beberapa hari kamoedian papreksa'an itoe dilandjoetken. Sasoeatoe orang soeda doega Kapitein Lebdury nanti doedoek dibangkoe persakitan, dan orang telah rasa jang marika nanti dapet nonton satoe drama aneh jang menggemperken. Doega'an itoe tida kliroe. Kapitein Lebdury ditarik djadi persakitan. Saksi pertama jang dibawa mengadep, adalah pendjaga pintoe dari astananja Sir Johns. Koetika hakim menanja apa jang ia taoe tentang halnja toeana Mervin Lebdury, ia ini kata :

„Pada djam anem sore, ada saorang toewa jang tarik belnja lotjeng di depan pintoe, dan mengakoe nama Newton. Ia minta bitjara pada Kapitein Lebdury, akoe tolak, tapi ia memaksa dan kasih denger hal-hal aneh, hingga akoe loeloesken djoega perminta'nnja dan bri taoe kahendaknya itoe pada Kapitein jang laloe silahken tetamoe itoe bertemoe padanja. Akoe merasa heran dan

menanja pada diri sendiri, ada oeroesan apakah antara ini orang desa miskin dan Kapitein. Tapi akoe lantas silahken Newton masoek. Tida brapa lama akoe dapat denger soeara berbantahan jang keras antara Kapitein dan itoe orang toewa. Itoe sa'at djoega akoe liat Kapitein boeka pintoe kamar dan berkata dengen tjeplet padakoe : „Anter kaloeear ini orang, Sanders! Dia gila atawa mabok, lekas kasih dia pergi!”

„Apa kamoedian Kapitein Ledbury bikin, sasoedanja ia dikoendjoengi oleh Newton ?“ tanja hakim.

„Ia berangkat balik kombali ka York Barrak. Lebih dari itoe akoe tida taoe,” sahoetnja pendjaga pintoe itoe.

Haroeslah kaoe inget bahoea di depan astana St. Johns pada waktoe bagitoe ada liwat lokaal-trein, jang dateng di Ayrsham dan sampe disana pada djam 9.15.

Politie ada dapetken boekti bahoea Ledbury telah dateng dengen itoe trein, di depan station orang liat ia djalan moendar mandir. Djam 10.15 orang liat ia berangkat lagi dengen trein ka Oetara.

Djadi katerangannja politie dan katerangannja Samuel Holder ada bertentangan. Samuel Holder kata pada djam 9 atawa 10 ia dapat denger soearanja Mary bitjara pada satoe orang lelaki dan lelaki itoe hakim sangka Ledbury adanja, tapi djoestroe pada djam sabagitoe Ledbury ada di station lagi djalan moendar-mandir. Djoega itoe tempat dimana terjadi pemboenoehan, djaoenja ada doea stangah paal dari station.

Djadi kaloe bagitoe, siapakah pemboenoehnja ?

Ada orang doega Newton bertjidra sama Samuel Holder, dalem pertjidra'an mana oleh kerna sengitnya Samuel boenoeh pada Newton. Tapi itoe melinken satoe doega'an, sedeng boekti menetepken doega'an itoe tida betoel. Orang haroes inget bahoea tida djaoe dari tempat mait itoe terletak, ada didapetken satoe toengket koeno jang memake gagang perak, dan orang taksir toengket itoe berharga mahal. Samuel Holder ada satoe toekang kajoe jang saderhana, maka kaloe betoel ia memboenoeh papa Newton dengen itoe toengket mahal, dari manatah ia bisa dapet toengket itoe. Maka itoelah tida boleh djadi.

Djadi sompe disini perkara masi tinggal gelap. Kapitein Ledbury boekan orang jang berdosa, Samuel Holder djoega tida bisa ditoedoeh djadi pemboenoeh-nja.

III.

Hakim pengadilan belon bisa poatoesken itoe perkara. Sakalian detectief belon bisa dapetken keterangan dan boekti-boekti jang betoel. Biarlah kita tinggalken marika dan mari kita dengerken keterangan njya Oom Jacob, jang koetika akoe tanjaken begimana adanja ia poenja pendapetan atas perkara tersebut, ia laloe menoetoer seperti :

„Seperti tadi akoe telah bilang, soedara Ledbury ada doea. Jang soeloeng ada itoe Ledbury jang soeda djadi Lord Walterton dan jang boengsoe ada djadi Kapitein Barisan Koeda. Mary, pada ampat taon jang lalne, soeda bertjinta'an boekan pada Kapitein

Ledbury, tapi pada Ledbury jang soeda djadi Lord Walterton.

„Apa betoel Lord Walterton?“

„Tentoe! Boeat doesoen seperti Ayrsham jang begini sepi, saorang hartawan bisa berboeat segala matjem perkara jang aneh. Kaloe politie maoe tanja dimana Lord Walterton itoe malem berada, nistjaja ia aken tida bisa djawab dengen menjingkir dari kabeneran. Ia soeda dateng di Ayrsham pada itoe malem dan soeda bertjakepan pada Mary, betoel sebagimana ada diterangken oleh Samuel, dan achirnya soeda titahken Mary adjak papanja dateng dan laloe diboenoeh. Oleh kerna roepanja kadoea soedara Ledbury ada mirip betoel satoe sama laen, djoestroe melinken Kapitein Ledbury sadja jang sering berada di Aytsham, maka melinken ialah sendiri jang djadi boelan-boelan bagi segala toedoehan dalem ini perkara.

„Tentang papa Newton dateng diroemahnja Kapitein Ledbury, itoelah betoel, dan sebab papa Newton bikin toedoehan pada Kapitein ini, jang dianggep soeda meroesaken kapertjaja'an, maka Kapitein Ledbury soeda djadi goesar dan titahken pendjaga pintoenja oesir pada Newton itoe. Kapitein Ledbury soeda bagitoe manis idzinken Newton bertemoe padanja, sebab Newton itoe ada satoe pendoedoek kam-poeng jang terkenal djoega dan saorang toewa jang ditjinta oleh anak prampoeannja.

„Maka sampe disinilah perkara tentoe soeda djadi er ang.“

Hoofdstuk V.

Pemboenoehan pada Directrice Hospitaal.

Soerat-soerat kabar Inggris tanggal 3 November ada moeat kabaran tentang pemboenoehan atas dirinja njonja pengeroes roemah sakit.

Soerat-soerat kabar wartaken begini :

Pada malem tanggal 2 November kira-kira djam 12 saperampat, doeа koeli jang baroe poelang dari fabriek besi, tatkala berdjalan liwatken djambatan, soeda katemoeken maitnja saorang prampoean. Dari soerat-soerat jang terdapat dalem dompetnja njonja itoe, ternjata bahoea ia ada nona Eliott, directrice Hospitaal di Suffolk Avenue: Nona itoe masih beroemoer moeda sekali. Parasnya amat tjantik, boleh dikata tida ada satoe prampoean dalem itoe roemah sakit jang lebih eilok dari nona Eliott. Salaennja djadi directrice, djoega ia ada djadi doctor. Roemah sakit jang ia oeroes, ada berdiri dari sakoenja pendoedoek particulier, ditoendjang oleh segala fihak kaoem hartawan. Ada banjak orang menggroetoe oewang kas tida digoenaaken dengan betoel. Tapi tida ada boekti sama sekali tentang hal itoe. Orang telah dapeet doega'an itoe oleh kerna liat datengnya oewang sebagi mengoetjoernja aer, dan President begitoe poen Secretaris dari roemah sakit itoe ada tinggal dalem gedong-gedong besar jang indah.

Oleh kerna nona itoe ada terkenal dan terpandang, maka itoe doeа koeli toekang besi lantas bertaoeken perkara terseboet pada politie, jang laloe oeroes mati

iteo lebih djaoe. Ada banjak orang taro doega'an bahoea nona Eliott soeda memboenoeh dirinja sendiri dengen menggorok lehernja sama piso doktor, kerna piso itoe orang dapetken terpegang keras di tangannja.

Hal itoe ada menggemparkan di saloeroeh ka mpoeng Politie belon bisa dapet keterangan jang betoel. Detectief-detectief samoea tertjengang dan tida ada satoe pendoedoek jang brani boeka resia tentang pemboenoehan itoe.

Perkara tinggal gelap.

II.

Djikaloe satoe nona moeda jang bagitoe tjantik dan sedeng mashoernja dari ia poenja katjantikan, djoega ada memegang jabatan jang terpandang, orang banjak tentoelah kapingin taoe sebab-sebabnya kenapa ia memboenoeh diri sendiri, atawa kaloe ia terboenoeh orang, siapa orangnya jang bagitoe kedjem boeat lakoe-ken pemboenoehan itoe atas dirinja satoe prampoean jang haroes ditjinta.

Tiada lama, jaitoe sabelonnja ini perkara naek di pengadilan, atas penjelidikannja detectief-detectief jang bekerdja boeat plesir, telah dapetken keterangan bahoea oeroesan administratie dari itoe Hospitaal ada koesoet.

Boeat tilik keada'nnja itoe roemah sakit, ada diberdiriken satoe Commissie jang ledennja ada terdiri dari orang-orang jang berderadjat tinggi.

President dari ini Hospitaal ada Dr. Kinnaird, oemoer-nya masih moeda sekali dan belon lama soeda menikah pada poetrinja satoe Hertog.

Dengen kasih pake namanja sebagai President dari itoe roemah sakit, Dr. Kinnaird pikir ia soeda membantoe pada ini Hospitaal lebih tjoekoep dari laen orang. Tapi tidalah bagitoe dengen Dr. Stapylton, jang salaennja melakoeken pakerdja'an doktor, djoega ada lakoeken djabatan Secretaris dan Kassier dari ini Hospitaal, pada siapa ia briken antero tenaganja goena pendoedoek negri.

Dr. Stapylton boekan saorang miskin, ia ada mempoenjai astana di Hamilton Terrace, tapi toch ia soeka lakoeken itoe pakerdja'an-pakerdja'an berat goena kabaekan oemoem. Dan berhoeboeng dengen pakerdja'nnja itoe, djadi perloe aken ia tida menikah. Oleh kerna perboeatannja jang bidjaksana itoe, maka di antara golongan-golongan orang bangsawan dan hartawan ia ada terpandang sekali.

Apa jang ada diwartaken dalem soerat-soerat kabar nistjaja membikin samoea orang measa sedih Politie tarik itoe doktor jang bidjaksana sebagai pemboenoeh-nja nona Elliott. Mary Dawson, sala satoe djoeroerawat orang sakit ada kasi keterangan pada politie bahoea pada malem Minggoe ia telah dapet denger soeara dalem "sala satoe roeangan. Ia brenti boeat denger soeara itoe dan kenalken jang bitjara adalah nona Elliott bersama Dr. Stapylton.

Marika berdoea roepanja lagi bertjektjokan. Nona Elliott pertama njataken goesarnja, dan perkata'an jang paling teges didenger oleh Mary Dawson, jalalh nona Elliott ada oetjapken begini: „Kaoe tech moesti toe-roet kapan akoe bilang doktor Kinnaird wadjib kasih taoe ini hal padakoe.”

Doktor Stapylton kadengeran berkata dengen soeara sabar dan tjoba mengalah, tapi kamoedian, sasoedanja bertjeketjokan lagi, ia poenja soeara menjataken tida sabar dan moelai goesar, hingga achirnya ia kloearken antjeman-antjeman. Sahabisnya itoe tida ada kadengeran soeara apa-apa lagi. Tapi bebrapa saat kamoedian ia dapet denger soeara menangis jang ter-sedoeh-sedoeh, dan doktor Stapylton berkata dengen soeata berbisik :

„Boleh djadi kaoe ada benar, Nelly,” kata doktor Stapylton. „Tapi baek kita menoenggoe satoe doe hari sabelonnja ini perkara di bii taoe pada doktor Kinnaird. Kaoe taoe beginama adatnja doktor Kinnaird jang selaloe maoe bikin riboet segala perkara.”

Nona Eliott kadengeran berkata lagi: „Kita nanti melanggar kwadjiban kapan kita tida kasi taoe ini perkara pada doktor Kinnaird. Siapa djoega adanja itoe bangsat, kita berdoea ada memikoel kwadjiban boeat serahken bangsat itoe pada justitie.”

III.

Tatkala perkara terseboet dipreksa oleh hakim, roewangan pengadilan jang lebar, soeda penoeh dengan penonton jang terdiri dari berbagi-bagi deradjat.

Oom Jacob jang belon perna katinggalan boeat nonton sasoeatoe papreksaan, ada doedoek di bangkoe penonton paling depan. Ia dengeri sasoeatoe perkataan jang kaloear dari moeloetnja saksi dan moeloetnja persakitan.

Katerangannja doktor tida laen, melinken menerang-

ken bahoea nona Eliott mati dari loeka-loekanja. Loeka itoe betoel dari piso jang tergengem di tangannja nona itoe. Di dekat mait itoe tida ada bekas-bekas dari terdjadinya pergoeletan. Maka tida ada laen boekti jang menerangken laen dari pada nona itoe memboenoeh dirinja sendiri.

Tapi lekas djoega hatinja penonton dibikin bergontjang dan Oom Jacob jang menonton lantas merasa pasti bahoea dalem ini perkara pemboenoehan moesti ada tersemboeni satoe resia besar. Itoe waktoe ada dateng satoe saksi di hadepan hakim, jaitoe oppas politie nama Triske. Ia menerangken bahoea pada malem Senen tatkala ia berdjalan ronda di Blomfieldweg sepandjang tepi kanaal ia ada berpapasan dengan satoe nona dan satoe toean. Doea orang itoe sedeng djalan menoedjoe ka djembatan. Triske berbalik boeat awasken doeae orang itoe, dan dapet liat itoe nona moeda menangis. Malem itoe ada gelap, tapi Triske bisa oendjoek dengen pasti bahoea itoe nona jang terboenoeh betoel ada itoe nona jang liwat di depannja bersama satoe toean. Tapi siapa adanja itoe toean ia tida kenalkeu.

Koetika tadi ia lintasi djembatan, ia denger lotjeng gredja St. Magdalena berboenji doeabelas kali. Saperrampat djam kamoedian orang dapetken maitnja itoe nona moeda jang tangannja memegang piso tadjem dan lehernja loeka besar, tenggorokannja poetoes, menjebabken ia poetoes djiwa. Piso jang masih tergenggem ditangannja ada tanda-tanda darah, maka tentoelah piso itoe jang soeda poetoesken djiwanja nona itoe.

Tapi oleh siapakah jang lakoeken pemboenoehan itoe ? Olehnya sendiri ? Dan kaloe begitoe, kenapa itoe toeantida lekas dateng membri keterangan pada politie soepaja ini perkara djadi terang ?

Toean James Elliott, soedara dari nona Nelly Elliott almarhoem, ada orang pertama jang menjeboetken namanya Dr. Stapylton. Atas pertanja'nnja hakim tentang adat dan kewarasannja ia poenja soedara pramoean, James Elliott kasih keterangan begini :

„Elliott salamanja ada berlakoe baek dan manis. Melinken dalem tempo belakangan, ada sedikit perobahan dalem klakoeannja. Ia senantiasa ada bagitoe girang, lakenya lebih manis pada samoea orang. Itelah akoe doega dari sebab perhoeboengan pertjinta'an jang mengiket ia pada satoe lelaki, pada siapa ia harep bisa menikah.”

„Apa toeantida siapa adanja itoe lelaki jang ditjinata oleh nona Elliott.”

„Tentoe sekali, lelaki itoe ada doktor Stapylton.”

Orang lantas inget pada tjeritanja nona Dawson, sebagimana jang ada ditoetoerken dalem soerat-soerat kabar.

Hakim laloe minta doktor Stapylton dateng mengadep. Tapi oppas politie membri taoe bahoea doktor Stapylton tida dateng mengadep oleh kerna sakit paja. Boeat gantinja doktor Stapylton, laloe mengadep doktor Kinnaird, jang laloe kasih keterangan pada hakim bahoea ia sama sekali tida pertjaja ada perhoeboengan pertjinta'an antara nona Elliott dan doktor Stapylton

Djoega ia belon perna denger ada terbit perselisihan antara itoe doeа anak moeda.

Kamoedian dateng mengadep satoe saksi jang hakim sengadja simpen boeat dihadepken paling blakang, jaitoe doktor Earnshaw, satoe assistent dari roemah sakit terseboet.

Katerangannja ada ringkes tapi dianggep penting. Ia terangken bahoea pada malem Senen koerang sedikit djam doeablas, sapoelangnja dari satoe perdjamoean, di deket djembatan Blomfield ia dapet liat saorang pramroeан. Belakangan satoe toean jang memake topi tinggi ada dateng menghampirken pada nona itoe. Itoe koetika ia berpapasan pada kadoea orang itoe, maka ia dapet kenalken bahoea itoe pramroeан ada nona Elliott dan itoe toean.

„Itoe toean siapa?” mananja hakim dengen tida sabar.

„Doktor Stapylton.” katanja dengen soeara berbisik.

„Kaoe taoe pasti dan tida kliroe liat?” tanja hakim.

„Ja, sebab akoe ada bitjara djoega padanja. Akoe ada oetjapken: „Slamat malem, toean Stapylton” dan ia bales kata bagitoe djoega. Dan pada nona Elliott djoega akoe oetjapken slamat malem, dan ia poen membales demikian. Akoe liat moekanja dengen teges, dan parasnja nona itoe ada poetjat seperti orang jang menanggoeng doeka, sedeng doktor Stapylton memandang padakoe dengen moeka soerem. Akoe heran kenapa marika pilih itoe tempat sepi boeat djalan-djalan di waktoe bagitoe tengah malem.”

„Poekoel brapa kaoe ada di itoe tempat?“

„Koerang sapoeloe minuut poekoel doeablas.“

Persidangan laloe ditoenda. Doktor Stapylton ditjatet sebagi orang jang terdakwa. Maski sekarang belon dimadjoeken pengadoean jang lebih terang, tapi namanja ini doktor moeda jang hartawan dan berderajat tinggi serta terpandang bidjaksana, soeda menimboelken tjoeriganja orang banjak.

Beberapa hari kamoedian, sasoedanja doktor Stapylton semboeh betoel dari sakitnya, papreksaan sigra dilandjoetken poela. Samoea korsi dalem persidangan soeda penoeh dengen penonton. Paling pertama dibawa masoek doktor Stapylton, teriring dengen advocaatnya doktor Kinnaird. Doktor Stapylton kaliatannja sebagimana biasa, ia bitjara pada kawannja dengen tertawa-tertawa.

Oppas politie Triske jang mengadep, tida bisa njataken pasti bahoea orang lelaki jang ia liat berdjalanan sama nona Elliott di itoe malem apa betoel ada doktor Stapylton. Ia tolak boeat angkat soempah. Tapi doktor Earnshaw tetapken dengen pasti katerangannja jang doeloean.

Sasoeatoe orang dalem itoe roewangan pengadilan ada awasken pada doktor Stapylton jang lakoenna tida sekali mengambil perdoeli pada itoe perkara. Ia kaliatannja tinggal taba dan tida sedikit merasa kwaitir kaloe-kaloe dirinja bakal ditoedoeh.

Itoe saat djoega Oom Jacob jang menjaksiken itoe paprekzaän lantas mengarti kemana semboeninja itoe resia.

Hakim berkata :

„Beberapa minuut sabelonnja nona Eliott terboenoeh, orang telah dapet liat kaoe ada berdjalan di samping-nja nona Eliott, apakah betoel ?”

„Maaf,” kata doktor Stapylton dengen sabar. „Paling belakang akoe liat nona Eliott, jalih di malem Minggoe, beberapa saat sabelonnja akoe berlaloe dari Hospitaal.”

Ia oetjapken djawabannja itoe dengen sabar dan tida sangsi-sangsi. Samoea penonton merasa bingoeng.

Hakim djoega heran.

„Tapi disini ada doea saksi jang liat toean berdjalan sama nona Eliott pada beberapa saat sabelonnja poekoelel doeablas di itoe malem Minggoe,” kata hekim.

„Itoe saksi ada kliroe.”

„Sebab ?”

„Sebab doktor Earnshaw tida liat betoel pada itoe orang jang berdjalan sama nona Eliott. Akoe tida ada merasa bitjara padanja di itoe malem.”

„Apa toean brani njataken itoe dengen soempah.”

„Akoe rasa doktor Earnshaw jang wadjib soempah boeat njataken betoelnja ia poenja kasaksian,” kata lagi doktor Stapylton dengen bagitoe sabar.

„Apa kaoe maoe bantah djoega katerangannja itoe oppas politie Triske ?” tanja hakim.

„Ja, sebab itoe oppas politie sendiri ada kata jang ia ada liat satoe toean jang memake topi tinggi ada berdjalan sama-sama nona Eliott, pada waktoe mana akoe sendiri ada dalem kreta dekat biloekan Harrow-road, beberapa depa djaoenja dari oppas itoe.”

„Kaoe maoe tetapken dengen soempah ?“

„Koetsir jang tarik akoe pergi ka sociteit sekarang ada disini. Ia bisa briken kasaksian.“

Dengen goegoep John Smith, itoe koetsir kreta se-waän, dateng mengadep dan menerangken bahoea pada malem Senen di djalanan Harrow-road ia dipanggil oleh toean jang tadi bitjara dan tarik ia ka sociteit di Mardon-street. Koetika kreta baroe berdjalan, lotjeng gredja Magdalena berboenji doeablas kali.“

Triske, itoe oppas politie djoega ada menerangken koetika ia melintasi djembatan djoestroe lotjeng berboenji doeablas kali. Djadi pada saät itoe nona Eliott masih bernjawa. Maka ada soeatoe perkara heran kaloe orang bisa melakoeken pemboenoehan dalem tempo tiga menit dan bagitoe sampoerna taroken itoe piso di tangannja nona Eliott, kamoedian dengen tjebet berdjalan ka Harrow-road, jang letaknja djaoe djoega dari itoe djembatan.

Oleh kerna adanja itoe alesan, maka doktor Stapylton terlepas dari penoedoehan.

Tapi hakim salamanja tida gampang pertjaja katerangannja sasoeatoe persakitan. Sabelonnja hakim mengambil soeatoe alesan bagi persakitan, lebih doeloe hakim taro doega'an persakitan itoe membri keterangan djoesta. Djadi doktor Stapylton lebih doeloe tertoe doe soeda djoesta jang ia tida bitjara sama nona Eliott itoe malem, dan djoega djoesta jang ia tida taoe tentang terdjadinya itoe pemboenoehan atas dirinja nona Eliott.

Doktor Earnshaw oelangi poela katerangannja jang

dobeloean dan kasih kapastian, tapi itoe samoaea teroes dibantah oleh doktor Stapylton.

Djoega katerangannja nona Dawson jang kata doktor Stapylton ada bertjidra dengen nona Eliott, ada disangkal oleh doktor Stapylton dengen bagitoe sabar seperti tadi.

„Segala omongan jang dapet didenger dari lobang kontji,” kata doktor Stapylton, salamanja pendengeran itoe tida bisa dipastiken kabenerannja. Itoe koetika memang betoel akoe ada bitjara pada nona Eliott, dan pembitjara'an itoe ada berhoeboeng dengen niatannja nona Eliott boeat lepas bebrapa djoeroe rawat prampoean jang tida tjakep, antaranja adalah nona Dawson. Nona Eliott merasa amat tida senang dengen nona Dawson itoe dan ia hendak lantas kasih itoe lepasan, tapi akoe tjoba boedjoek padanja soepaja djadi sabar. Itoelah ada koetika jang pengabisan akoe bitjara pada nona Eliott, boeat kamatiian siapa akoe soenggoe merasa sedih.“

V.

Hakim toenda papreksa'an itoe jang masih tinggal gelap. Tapi koetika Oom Jacob soeda poelang dari gedong pengadilan, ia ada tjeritaken pendapetannja, jang mana ada lebih sampoerna dari pada pertanja'an dan penjelidikannja detectief-detectief.

„Boeat laen orang,” katanja Oom Jacob padakoe, „memang itoe perkara kaliatannja tinggal gelap, brangkali djoega di pemandangannja hakim. Tapi bagi akoe perkara itoe terang sebagai siang“.

„Apa kaoe boleh oendjoeki keterangan padakoe?” akoe menanja.

„Boleh sekali, dan malah akoe maoe oendjoek ini doea portreit padamoe,” dan sembari berkata bagitoe ia angsoerken padakoe portreitnja doktor Stapylton dan doktor Kinnaird.

„Ini doea doktor tentoe bisa bikin terang itoe perkara,” kata lagi akoe.

„Tida,” sahoetnja Oom Jacob dengen paras jang soenggroe. „Doea-doea bikin perkara djadi gelap.”

„Beginama boleh djadi bagitoe?” tanja akoe.

„Kaoe denger! Sampe pengadilan toenda itoe pa-preksaan, dan lantaran denger katerangannja doktor Stapylton jang bagitoe pande, banjak orang soeda taro sangkahan bahoea doktor Earnshaw, jang mendjadi saksi dalem itoe perkara, tertoe doe djadi itoe pemboenoeh. Katanja ia tjoema berpoera-poera sadja djadi saksi, dan dengen mengasih itoe keterangan bahoea ia telah bertemoe dengen doktor Stapylton jang lagi berdjalan sama nona Eliott, itoelah ada akal boeat bebaskan dirinja dari sangkahan. Tapi toedoe-hannja orang banjak jang demikian atas dirinja doktor Earnshaw ada satoe sangkahan bodo, tjoepet dan tida beralesan. Ada boekti bahoea doktor Earnshaw sapoelangnja dari medan pesta, tida memake topi tinggi, ia melinken memake satoe pitji boeloe. Itoe bisa diboektiken oleh temen-temennja doktor Earnshaw.

„Djadi kaloe bagitoe, doktor Earnshaw boekan ada itoe pemboenoeh, tapi memang betoel ia ada liat satoe toean berdjalan sama-sama nona Eliott, pada siapa ia ada bitjara, tapi ia sangka doktor Stapylton sedeng sabetoelnja itoe toean boekan doktor terseboet,” kata akoe,

„Kaoe djoega soeda kliroe,” kata Oom Jacob dengan tertawa. „Itoe toean jang doktor Earnshaw katemoe-ken dan bitjara, betoel ada doktor Stapylton. Doktor Earnshaw soeda kasi kasaksian jang betoel.”

„Tapi kenapa doktor Stapylton maoe bantah katerangannja doktor Earnshaw, sedeng ia toch boekan ada pemboenoehnja nona Eliott,” kata akoe.

„Ja boekan ada pemboenoehnja nona Eliott, tapi penting sekali boeat ia djoesta di hadepan hakim, soepaja bisa bikin kliroe pada hakim dan politie, lebih djaoe ia harep soepaja hakim tida mendoesin bahoea orang jang diliat oleh doktor Earnshaw dan oppas politie Triske, sabenarnja ada *doea orang*.“

„Doea orang,” akoe mengoelangi dengan heran.

„Ja, doeа persero dalem ini kadjahatan,” bales ber-kata Oom Jacob. „Tida saorang sangkal bahoea datengnja oewang ka dalem kasnja itoe Hospitaal ada sebagi aer jang mengoetjoer tida brenti, tapi toch itoe roemah sakit boekannja kalebihan oewang, hanja kak-koerangan. Di roemah sakit orang taoe, bahoea nona Eliott telah mendoesin tentang koesoetnja oewang kas ada berhoeboeng dengan perkara knoei, maka ia soeda ambil poetoesan boeat bikin papreksa'an dalem itoe perkara dan kamoedian boleh serahken penipoe atawa bangsatnja pada justifie.

„Kemana perginja itoe oewang, inilah melinken dikatahoei oleh doktor Stapylton dan doktor Kinnaird, sebab marika ada doeа persero dalem ini perkara knoei. Orang bisa liat djoega boektinja dari doeа orang

ini poenja astana-astana jang besar, dimana iaorang idoep sebagi orang hartawan."

„Doktor Kinnaird kaoe kata?" mengoelangi akoe, sebab akoe sekali-kali tida bisa pertjaja bahoea doktor Kinnaird jang hartawan maoe tjampoer dalem itoe perkara boesoek dan kedji.

„Ja, doktor Kinnaird. Sebab dia toch djadi President dari itoe Hospitaal, maka ia poen taoe koesoetnja oewang kas, dari sebab bagitoe, kaloe ia sabenarnja tida tjampoer dalem itoe perkara knoei, haroeslah ia toentoet siapa orangnya jang soeda bikin roesak kasnja itoe Hospitaal."

„Itoelah betoel," djawab akoe.

„Doea orang terhormat ini, soeda bertaon-taon tjoeri oewang kasnja itoe roemah sakit. Jang satoe goena-ken namanja sebagi President dan mantoenja Hertog, sedeng jang laen goenaken lidanja boeat bikin gelap pikirannja nona Eliott dalem pertjinta'an padanja, sebab nona Eliott ada djadi pengeroes dan sebagi pengeroes ia wadjin saban-saban preksa kas jang dipegang oleh doktor Stapylton, tapi tjinta poenja pengaroe, bikin nona ini teroes pertjaja pada itoe doktor jang ditjinta. Tapi toch sebagimana soeda kadjadian, nona Eliott achirnja dapet taoe itoe perkara knoei, maka ia soeda ambil poetesan boeat kasi taoe itoe perkara pada justitie.

„Doea bangsat itoe sigra pake akal sabeloneja nona Eliott taoe betoel siapa jang soeda permaenken oe-wang kasnja itoe Hospitaal. Bagitoelah pada itoe malem doktor Stapylton soeda adjak nona Eliott djalan-djalan di itoe tempat sepi. Kontjonja Stapylton memang soeda menoenggoe disitoe. Ia orang soeda sampe

pada waktoenja boeat lakoeken itoe pemboenoehan, tatkala mana djoestroe ada liwat doktor Earnshaw jang kenalken pada doktor Stapylton. Ini doktor dan kontjonja djadi terprandjat. Tapi lekas djoega itoe kontjo jang bersemboeni dapet akal bagoes. Ia sigra hampirken doktor Stapylton dan poera-poera kasih taoe tentang satoe perdjandjian boeat doktor Stapylton dateng di sociteit. Stapylton mengarti maksoed itoe. Maka sasoedanja serahken nona Eliott dalem perlindoengannja itoe kontjo, ia sigra berdjalan dengan tjepeit ka tempat djaoe. Di Harrow-road ia dapet satoe kreta sewa'an jang ia laloe naeken.

Nona Eliott jang ada di tangannja itoe kontjo penipoe, soeda trima nasib digorok lehernja dengan pisodoktor, dan sahabisnja lakoeken itoe pemboenoehan, kontjo itoe taro piso terseboet dalem tangannja nona Eliott.

„Siapa kontjo jang lakoeken pemboenoehan kedjem itoe?“ tanja akoe.

„Doktor Kinnaird,“ djawabnja Oom Jacob.
Akoe terprandjat.

„Ja, doktor Kinnaird jang lakoeken pemboenoehan itoe,“ kata poela Oom Jacob. „Maka sekarang kaoe tentoe djadi taoe terang, kenapa doktor Earnshaw katemoeken doktor Stapylton bersama-sama nona Eliott, sedeng politie liat laen orang berdjalan ka itoe djembatan. Sabetoelnja itoe orang jang politie Triske liat, adalah itoe doktor Kinnaird, pada siapa hakim tida ada bikin penoedoehan apa-apa dan politie Triske tida bisa kenalken roepanja.“

Hoofdstuk VI.

Siapa jang meratjoeni Cigarette ?

I.

Pada soeatoe pagi, tatkala akoe doedoek membatja soerat kabar *Daily Telegraph*, Oom Jacob dateng ham-pirken akoe dan telah dapet tebak apa jang akoe sedeng perhatiken dari isinja soerat kabar. Ia soeda lantas kata bahoea akoe tentoe sedeng membatja kabaran prihal Cigarette. Sabenarnjalah akoe sedeng memperhatiken kabar-kabar tentang diratjoeninja itoe koeda nama Cigarette. Menoeroet kabaran jang paling blakang, koeda itoe telah semboeh kombali dari bahaja ratjoen.

„Oom, marilah doedoek,” kata akoe sembari silaken ia doedoek di satoe korsi dekat akoe. „Akoe kapingin sekali denger keterangan-keterangan dari kaoe prihal ini resia jang telah membingoengken pada pikirankoe. Itoe koeda sekarang soeda semboeh, maka apa perkaranja bakal sirep sadja?”

„Tida!” sahoetnja Oom Jacob. „Perkara nanti ber-djalan teroes. Sekalipoen koeda itoe soeda semboeh, toch politie dan eigenaarnja hendak tarik itoe orang jang telah berboeat kadjahatan. Orang kapingin taoe apakah Palk, lantaran trima oepahan soeda berboeat itoe kadjahatan? Djoega apakah njonja Keeson dan boedjang istal Si Cockram, ada toeroet tjampoer tangan dalem itoe perkara?”

„Eh! kaloe bagitoe ini tentoe bakal djadi perkara besar?” tanja akoe.

„Ja, sebab toean Hertog jang mempoenjai koeda itoe, soeda beli binatang terseboet dengen harga mahal. Maka ia telah maloemken aken dibri oepah pada siapa-siapa jang bisa bri taoe siapa adanja itoe pendjahat jang telah meratjoeni koedanja. Djikaloe akoe maoe, akoe bisa boeka ini resia jang saderhana dan trima itoe oepahan saratoes pound sterling, aken tetapi akoe tida maoe, sebab kwatir itoe orang-orang politie goblok nanti tertawaken akoe lebih doeloe sabelonnja dapet boekti dari akoe poenja pendapetan.”

„Oom moesti toetoerken doeloe doedoeknja itoe perkara, nanti akoe pikir apa baek akoe madep pada politie boeat boeka ini resia.”

„Haroeslah kaoe taoe,” kata poela Oom Jacob. „Pada sekarang ini ada tersiar banjak kabar angin dari lida-lida jang djahat. Marika oewarken tjerita djoesta bahoea Hertog jang mempoenjai koeda itoe soeda bankroet, ia poenja poetri, Lady Agnes, soeda nikah pada Harold Keeson, anaknya satoe toekang adjar koeda jang terkenal, dan dengen djadi istrinja djedjaka itoe, Lady Agnes merasa beroentoeng.”

„Itoe akoe poen ada denger djoega,” kata akoe.

Lebih djaoe biarlah kita dengeri penoetoerannja Oom Jacob berhoeboeng dengen itoe perkara mera-tjoeni seperti di bawah ini :

Familie Keeson ada tinggal di New Market deket Manor House. Keeson ada toeroenan dari familie bangsawan, maka sampe sekarang toeroenan-toeroenannja

tinggal bangga dan angkoeh atas kaagoengan laloehoer-ja. Harold poenja papatjang, jaitoe Keeson poenja ajah, ada satoe lelaki jang boros, pemogor prampeoean jang tida ker.al wates, maka djoega koetika ia wafat, ia tida tinggalken warisan satoe apa pada Keeson. Tapi itoe kamiskinan djadi satoe kabaekan bagi Keeson, kerna ia berbalik djadi satoe anak jang radjin. Ia poenja pengatahoean tentang koeda dan tentang perlombaän, bagitoe djoega ia poenja kagiatan dan kakerasan hati, soeda membikin ia djadi beroentoeng.

Bagitoelah sekarang dalem oemoer lima poeloe tahun lebih ia soeda kombali djadi saorang hartawan dan tinggal di astana Manor House bersama istrinja jang tjantik dan anak lelaki jang satoe-satoenja.

Toean Keeson jang terkenal pande adjar koeda, soeda diminta oleh Hertog de Swalda aken mengadjar dan merawat sala satoe koeda adoeannja Hertog itoe jang dinamaken Cigarette. Koeda ini bakal dipake dalem balapan jang aken dateng. Hertog de Swalda soeda beli koeda adoean terseboet dengen harga mahal sekali, tapi ia harep oewang belian [ite] nanti poelang dengen sakedjepan dari menang bertaroan. Hal ia mempoenjai koeda jang baek, ada diresiaken sekali, maka salaennja Keeson, ia tida brani minta pertoeloengan boeat adjar koeda itoe. Tapi dalem doenia balapan koeda, senantiasa ada mata-mata dari satroenja Hertog itoe.

Antara orang jang paling sajang pada koeda Cigarette itoe, adalah djongos istal nama Cockram. Padanja Keeson brani pertjajaken boeat djaga koeda itoe. Per-

nanja istal dinama Cigarette ada ditempatken, ada bewatesan dengen Manor House dan bebrapa hari di moeka dari harisan balapan koeda, Cockram tiada tinggalken itoe binatang barang sakedjep poen. Siang hari malem ia ada di dampingnja itoe binatang. Ia tidoer dan makan di dampingnja Cigarette. Tiada saorang boleh mendekati istalnja Cigarette, salaennja Keeson dan Hertog de Swalda.

Tapi maski poen bagitoe, pada paginja dari harian balapan, ternjata Cigarette soeda kena diratjoeni, dan maski poen kamoedian koeda itoe soeda semboeh, koetika koeda itoe dipake, soeda tida mendjalanken kwadjibannja jang betoel.

Orang tjerita bahoea lantaran itoe kakalahan, hingga Hertog de Swalda djadi bankroet.

II.

Marilah kita liat apa jang telah kadjadian koetika orang dapetken koeda Cigarette rebah dengen tida berkoetik dan matanja melotot seperti maoe petjah.

Cockram jang telah bangoen dari tidoernja di waktoe fadjar, dapetken koeda djaga'nnja bagitoe roepa, soeda mendjerit dan moekanja lantas djadi poetjat sebagi mait. Ia lari ka gedongnja Hertog, bri taoe itoe hal pada Hertog de Swalda, jang lantas minta toean Keeson dateng ka istal, djoega ia lantas telefoon pada doktor hewan boeat minta ia ini poenja pertoeloengan.

Koetika toean Keeson liat koeda jang ia adjar sekarang soeda djadi bagitoe roepa, ia djadi moerka tida alang-kapalang. Ia angkat tjamboek jang pandjang dan hantam bagitoe keras pada Cockram, baek djoega

Hertog de Swalda sigra menjelak sama tengah aken brentiken itoe poekoelan.

Cockram lantas dikompes boeat mengakoe teroes terang, sebab melinken ia sendiri jang haroes taoe kenapa koeda Cigarette djadi bagitoe. Cockram laloc toetoerken, bahoea biasanja ia belon perna alpa dalem kwadjibannja. Siang hari malem ia toenggoeken itoe koeda, maski poen ia tidoer, tapi belon perna njenjak, satiap kali koeda itoe batoek atawa berbenger, ia moesti lantas mendoesin. Tapi pada itoe malem, sahabisnja bersantap dan minoem sedikit bier, ia djadi bagitoe ngantoek dan teroes poeles dengen tida sekali mendesin sampe di waktoe fadjar. Ia bersoempah sembari njataken bahoea ia tida sekali brani alpaken itoe kwadjiban besar jang dipertajajaken padanja, maka ia merasa heran sekali kenapa bisa kadjadian bagitoe pada dirinja.

„Ach ! kaloe bagitoe tida heran,” kata doktor hewan sembari angkat glas bier jang isinja soeda diminoem samalem oleh Cockram, dan angkat itoe ka idoengnya. „Ini bier soeda ditjampoerken dengen tjandoe.”

„Tertjampoer tjandoe Demi Allah” kata Cockram dengen tertjengang. „Siapakah jang soeda taroken tjandoe ach ! setan baboe Alice.”

Baboe Alice Image soeda lantas dipanggil, kerna ialah jang telah bawaken roti dan bier pada Cockram pada kamaren sorenja.


Baboe ini sangkal keras dan njataken dengen soempah bahoea ia tida taoe satoe apa tentang bier itoe

tertjampoer ratjoen. Ia kata, bier dan anggoer salamanna soeda disadiaken di gang-roemah, dan satiap sore, sabagitoe lekas ia seleseh menoeloeng segala kaperloean njonja Hertogin, ia lantas bawa barang makanan itoe ka istal. Alice toch ada djantoeng hatinja Cockram, maka Alice kata, sekalipoen ia boleh mati, ia tra nanti maoe taro ratjoen boeat ganggoe kewarasannja ia poenja Cockram. Alice njata tida berdosa, sebab ia lantas menangis tersedoe-sedoe meliat satoe balan jang melintas dari pipi ka betis tangannja Cockram, jaitoe bekas tjamboek jang tadi bertjeter dari tanganja toean Keeson.

Itoe samoëa kadjadian, lantaran diwartaken dalem soerat-soerat kabar, sabentaran sadja soeda djadi boeah toetoernja orang banjak, hingga sekali poen orang-orang jang tida memperhatiken pada balapan koeda, soeda toeroet perhatiken itoe perkara.

Sekali poen Alice kaliatan tida bersala, toch politie soeda tjekel padanja sebab sedari bebrapa hari jang laloe, orang dapet liat Alice sering-sering bitjara kasak-kisik sama satoe lelaki nama Charles Palk. Lelaki ini dengen zonder ada poenja satoe oeroesan, sering berdjalanan moendar-mandir di sapoeternja gedong Manor House. Maka ia poen sekarang soeda ditjekel oleh politie, sebab disangka ada toeroet tjampoer dalam hal meratjoein koeda Cigarette.

(Ada samboengannja).





Resia Kota Besar)

Nona Alice Image di hadapan pengadilan. Ia tertuduh soeda bersakotoe sama Charles Palk boeat merajoeeni koeda Cigarette jang berharga mahal.

(Kajia no. 81.

(Charles Palk

boeat